

文獻叢編

第二十四輯



文獻叢編第二十四輯目錄

洪承疇劄付緬甸軍民宣慰使司稿 照片

秦承恩獲罪事件 軍機處檔

秦承恩供單

查抄秦承恩家產物件清單

順治四年奏議稿本

內閣大庫檔
續

總督河道楊方輿爲請設烽臺以防糧運事題本

吏部侍郎馬光輝等覆徐起元請定察吏之制事題本

總督兩廣巡撫廣東佟養甲爲請進取雲貴並特選滿員總督江西兩廣事題本

戶科左給事中梁維本爲請申開荒田興水利之令事題本

巡按陝甘監察御史許弘祚爲查明回奏地方荒殘乞蠲荒徵熟事題本

戶科左給事中梁維本爲請申明有司職掌禁棍徒抄搶良民事題本

總督兩廣巡撫廣東佟養甲爲請許濠鏡澳人通商以阜財用事題本

兵部尙書阿哈尼堪爲議覆吳達題請清保甲於民未使事題本

巡按江西試監察御史吳贊元爲請均南瑞袁三府賦額事題本

巡撫寧夏胡全才爲請頒書籍以便傳習事題本

禮部左侍郎祖澤遠等爲議覆趙班璽題請清學校禁邪教事題本

總管內務府堂派主事扎昆珠等妥爲照料暹羅貢使事堂諭 內務府檔

總管內務府爲應選女子禁止時俗服飾諭 內務府檔

蘇州織造查明庫使舒成等下落呈內務府文 內務府檔

賡音布佐領下監生繼耀爲兄陣亡請卹呈 內務府檔

光緒元年朝鮮進貢案 內務府檔

禮部爲朝鮮進貢事咨內務府文

禮部繕呈朝鮮年貢方物摺

禮部爲盛京戶部截留高麗紙事知照內務府文

禮部請內務府知照受朝鮮貢物日期處所文

禮部爲朝鮮使臣到京安置四譯館咨內務府文

禮部請內務府查明頒賞朝鮮使臣綬疋與庫存名目是否相符文

例賞朝鮮使臣物品單

江南徐州府教堂冊

軍機處檔

附文獻館二十四年二月工作報告

(藏庫大開內)

稿司使慰宣民軍甸緬付劄時承洪

劉付緬甸時民高健使司稿

~~欽此~~

皇帝特諭答付緬甸軍民宣慰使司照得

明運浩於年寇鋒起邊戩張獻忠流

毒甚豫卑窮瘡幾無味類實為痛

首旋致聞賊志自成同時煽亂擾害

皇上原欲設教明諄和相安無事惟因明祿云

生民塗炭不思置之腹外乃順

去惡之職滅群兇復故明之雙雪普天之恨不

兩年間起一區牙臣服中外殊方絕俗

固不慕義嚮風梓桴稽首惟歡賦詩

李定國自知罪惡滔天神念其情風竄

雲南假借天曆偽號蓋或愚民不知安國

既已破壞明朝令威之天下豈有復扶

明嗣謀遠之宗豈不過據制以自事當

圖東轍而自立橫碑暴虐荼毒生靈
漢土民人肝腦塗地實難堪命哉
皇上乘龍鄉天已覆萬國之故何生息一方

之失所美整

六師掃除寇氛故民水火用全中國安
至於徵外邪倡素堅事天之誠俱在懷
柔之內自強欲育決無欺辱茲惟愛國
聞風先適暫違天誅如流無介則位
無地坐觀指日有旗檣解嚴則奇功

帝續五奏

上聞優加爵賞傳之子孫倘或不遵時勢有
時事概區留中國罪人不惟自貶虎
狼吞噬之志救矣惟惡極盡勢必肆蹂
皇制直標名教彼時玉石難分後悔
無及至聞來牙值沐天波避入極境想
永曆為故明宗枝祥逆被懷明臣義
不共天乃為其被制戮年勢非得已奈
皇上條李自成張獻忠李定國為明復不
之惟言永曆若知風德及時故命必荷

皇恩待古三恪受福無窮者永曆與秦孰

遠不特該宣毅司歷事明朝明主權

奮順逢之機一為定出當照橋差之功

不特封賞不特留匯一人累及全屬難

士智者必不為也安免利害止爭喧咳本

閩郭欽邊

上諭備邊故宜惟該宣毅司實與輸誠國部

建具報以明歸附復在割付者

順治擒獲莽秋月

秦承恩獲罪事件

按秦承恩爲乾隆二十六年進士，五十四年任陝西巡撫，嘉慶初年奉命勦辦教匪，至嘉慶四年，因故褫職，逮京論罪。清史稿中有專傳，言其勦辦教匪及獲罪事頗詳

傳云：

「……………嘉慶元年，教匪起荆襄，承恩率師赴興安籌防。……………二年春，丁母憂，軍事方亟，奪情視事。……………八月，川匪徐天德，冉文儔，樊人傑，襄匪張漢潮，先後併入陝境，承恩師久無功。四年命解職回籍守制，會勦張漢潮於鳳翔，承恩遣遊擊蘇維龍扼東路，戰失利，漢潮突圍遁，褫承恩職，逮京論大辟，詔以承恩書生未嫻軍事，宥歸。尋遣戍伊犁，七年釋還。……………」

今本館整理軍機處檔案，有秦承恩供單及查抄家產物件清單各一件。供單與傳中獲罪之語有關，特刊布如左。

秦承恩供單

一奉上諭蘇維龍帶兵失利縱賊逃竄卽係秦承恩派委非人所致等因

一奉上諭張漢潮在唐藏地方屯聚明亮等四面圍逼正可就擒乃因蘇維龍一路失利致賊匪由東面突出此由秦承恩派委非人所致非明亮之咎也等因

秦承恩親供本年正月賊匪張漢潮在鎮安地方分作兩股奔竄張漢潮帶領前股由鳳縣紅花溝竄入棧道之西至甘肅境內滋擾明亮官信由陝省帶兵趕剿吉蘭泰自甘肅帶兵迎堵其後股賊匪竄至洋縣一帶關騰隨後追勦係在棧道之東那時我正在南鄭邊界防堵川匪線大川一股恐怕張漢潮後股之賊趕上前股會合使明亮前後受敵當派遊擊蘇維龍帶領兵勇趕赴棧道一帶探踪攔截以便與關騰兩面夾擊蘇維龍到留壩後差探後股賊匪尙無信息而前股已有由甘肅折回之信卽於二月初一日趕到鳳縣因聞賊踪已到太陽寺是走唐藏之路卽有初二日卯刻一面具稟一面挑帶奮勇兵勇六百餘名自鳳縣向北迎去走到離唐藏二里之老鴉溝正遇賊匪前隊已到蘇維龍卽在溝口截住自未至酉力戰三時殲賊多人後因賊匪大隊湧至分作

兩翼將我兵前後裹住賊多兵少獨力難支蘇維龍誓死不退手刃數人身受
刀矛重傷十餘處登時陣亡弁兵鄉勇俱各奮不顧身直前衝殺同時陣亡把
總外委各一員官兵七十二名竹谿鄉勇二十三名受傷弁兵鄉勇四十二名
內兵丁焦忠孝緊護蘇維龍左右殺賊尤多被賊捉住恐賊殘燬蘇維龍屍身
自認爲帶兵官被賊剜眼支解點火燃燒受害更慘賊過之後衆百姓尋獲蘇
維龍屍身爭送棺木並爲擇地蓋造祠宇男婦大小齊往哭祭絡繹不絕此皆
係實在真情並無一字捏飾查蘇維龍在鳳縣地方帶兵迎賊並不是我派定
他到唐藏去也不是明亮知會他去堵唐藏他因東路無信而西路大股折回
卽帶兵趕往迎截正是他勇往向前不拘泥不退縮處祇因孤軍無援力竭戰
死明亮如何說他縱賊逃竄呢且蘇維龍於二月初二日酉時在唐藏陣亡明
亮於二月初二日酉時纔到甘肅楊家店自楊家店到唐藏相隔九十里吉蘭
泰又後明亮一站官信雖於是日戌刻趕到張家莊相離唐藏稍近然已在蘇
維龍陣亡之後唐藏地方四通八達卽使明亮官信吉蘭泰同時趕到也不能

四面圍住何况彼此並未知會明亮等官兵俱在數十里及百里內外如何說四面圍逼正可就擒是蘇維龍縱逃的呢蘇維龍平日體恤士卒最得兵心勦賊亦甚勇往我所以派他前去此外祇有都司守備數員皆不可靠今蘇維龍已臨陣捐驅要求皇上加恩軫恤以爲効命疆場者勸我在漢中祇有兵八百名係各營零星湊集本來單弱但賊匪旣近棧道若不派兵堵截心裏實在不安只得儘此兵丁添上竹谿南鄭鄉勇交蘇維龍帶往防堵蘇維龍又在此內撥出兵一百五十名在留壩接護餉鞘自帶兵六百五十名前往此外再無可添撥之兵可以查問得出的

一奉上諭上年賊匪逼近西安時焚掠村莊百姓受害者不下十餘萬秦承恩以防守省城爲名並不出城殺賊等因

秦承恩親供上年二月我同南陽鎮總兵王文雄因堵截高均德齊王氏二股賊匪駐兵商州是在省城東南李全張添文一股於二月二十一日由洋縣竄出鄖縣斜峪關是在省城西南相隔六百餘里我在商州於二月二十日下午

先得了賊到滴水崖之信料定必出斜峪關省城一帶並無迎頭攔截之兵平地必遭荼毒萬分焦急當與王文雄於是晚拔營向西探勦王文雄帶兵二千名我帶兵七百名鄉勇一千名四日趕過鄠縣探知賊匪已從蓋屋城南向東奔竄相離不遠當卽紮住營盤令王文雄及撫標參將鍾岳於兩營內挑帶奮勇兵二千三百名鄉勇七百名合爲一隊前往迎勦二十五日在焦家鎮打仗一次二十六日在圪子村打仗一次二十八日在南集賢打仗一次內圪子村一仗賊匪一萬餘人自卯至酉先分數路攻撲繼分十數股馬步聯絡四面圍住勢甚剽悍我兵人人奮勇隨賊所向各用鎗砲連環轟擊殲斃多人賊仍抵死不退又將馬隊一千數百匹硬來衝突已將陣腳衝動危在呼吸幸我派的千總崔雯帶領練就藤牌手踊躍而出賊匪馬匹得自民間一見藤牌回頭驚跑賊衆掀跌下馬及自相踐踏者不計其數官兵鄉勇趁勢趕殺刀砍矛戳實在殲斃一千餘人並經我預飭本省弁兵於臨陣時大聲喊叫令陝省被裹良民速卽自行投出斷不殺害賊營內聞聲逸出及四下逃散者不下數百人賊

鋒大挫盡向南山脚下奔竄二十九日興肇柯藩帶兵趕到三十日一同由鄂縣起身是晚到省城南門外紮營公同商定三月初一日寅刻分兵三路向南兜勦午刻官兵趕到尹家衛截住賊頭痛加勦殺恰值我調的平利鄉勇四千名於是時趕出大峪額勒登保亦因連接我八百里札會於是時趕來庫峪出賊不意先後截殺二陣賊衆更爲窮蹙卽由南山內捨命奔逃從此李全一股勢遂零落不敢再窺平地這是實在情形不但通省官民共知共見且有興肇柯藩王文雄可以查問祇因那時西安城廂內外避難百姓多至十數萬四門緊閉人心皇皇我於三月初一日興肇柯藩王文雄帶兵起身之後單騎進省大開城門安撫百姓並與兩司等商辦糧餉軍火及一切撫恤防守事宜布置妥當卽於初二日早仍到大峪口與王文雄搜洗餘孽並招回被脅良民妥爲安頓有陸有仁台斐音可以查問我進省一日實爲安撫百姓並非畏避入城我同王文雄由商州往藍屋迎賊先從省城經過那時賊勢方盛官兵頗單我並未退避入省豈有圪子村打了大勝仗賊已逼向南山又添興肇柯藩兩枝

兵力我反避入省城之理况彼時近省百姓多已避進城內鄉間各堡土性最堅賊來可守且賊在盤屋地方連被官兵勦敗倉皇奔走南竄入山亦無暇攻圍村堡如何有十萬生靈被其傷害這是可以查問得出的總因承平日久民不知兵道路訛言傳聞不一那時有說邪匪混入難民內已將省城佔住的有說賊在省城東南挖了地道進城的有說巡撫急成心病雙目不見的此等謠言不可勝數以此想來說我藉防守省城爲名並不出城殺賊亦是有的但實絲毫無影響的事且王文雄所帶之兵原係景安派來防守陝豫邊界因我與景安往返札商纔得調至陝境三年二月初間高均德等東竄山陽我同王文雄到漫川關截回彼時王文雄尙係河南總兵卽欲駐劄漫川關專顧豫境因我立定主意以陝省西同鳳三府古稱沃野千里爲一省精華萃集之地一切軍行所用糧石驛頭皆須從此三府購辦近省一帶現無勁兵防護設被賊匪竄擾所關甚大必須暫駐商州適中之地則東北原可顧住河南北可顧住西安省城卽萬一西路有警亦可取道省城向西迎擊與王文雄反復講論暫劄

商州迨二月二十一日李全張添文一股果從西路竄出斜峪關我同王文雄得以迅速趕到盤屋連打勝仗纔能保住平地設我與王文雄遠在他處得信後星夜趕回賊匪必已由盤鄠竄過省城直出臨潼渭南大路其受害必更不可問就是平利鄉勇及額勒登保之兵也是我預先布置纔於是日恰恰趕到且如圪子村一仗最得力於籐牌及用人擡放之過山鳥也是我平日練就的祇問王文雄就知道了乃旁人不知我保全平地苦心反說我安坐省城以致生靈受害實是我意想不到的今蒙皇上天恩擊解進京發交審訊是許我自行申訴我不得不將承辦軍務以來一切始末情形據實剖陳仰求天鑒嘉慶元年正月內湖北宜昌荊州二府教匪滋事總督畢沅奏調陝西興漢鎮兵一千名前往協勦我馳赴興安於二月二十三日料理署總兵文圖帶領官兵由水路起程赴楚二十四日卽探聞鄖陽府屬房縣被圍竹山保康同時失陷竹谿邪匪亦俱所在蜂起與陝省平利洵陽甚爲切近我因新起之賊必須及早撲滅稍遲卽縱計算楚省官兵正辦荆宜之賊不能遠顧鄖陽此外就近地方

又無兵可以調撥惟興漢鎮兵行走不遠密用八百里飛札文圖不必拘泥原奉諭旨前赴荊州卽由洵陽途次改道進兵爲迅雷不及掩耳之計其時竹谿邪匪已在近城一帶放火滋擾不料我兵猝至痛加勦殺三日之內剪除數股軍威頗振但文圖兵丁究祇千名而附近續起之賊甚衆我卽趕發傳牌大張聲勢號稱已調西安滿漢官兵一萬名前來會勦一面密札竹谿縣知縣宗超海團集義勇上緊搜捕該縣士民知有文圖在境又有大兵前來歡欣瞻壯自將境內各股賊匪十日之內不費一絲一粟全行洗盡道路開通隨後恆瑞永保帶領西安滿漢官兵二千名取道竹谿與文圖徑往竹山收復縣城解圍房縣皆因竹谿邪匪勦盡別無牽綴故得所向無前功成迅速竹谿百姓與我蓋造生祠我令臬司孫藩嚴行禁止現有竹谿通縣士民可問竹谿平後訪察陝省習教匪徒頗知懾服惟本地良民視同冰炭紛紛舉首勢不兩立我恐萬一激成事端興安一帶兵備空虛甚難措手必須先行設法解散當將文圖解到竹谿賊匪並興安地方官拘獲習教之犯親身押赴城外當大衆審訊明白將

從賊者分別正法悞習邪教者登時釋放諭以從前習教愚民已奏蒙聖恩寬宥許令改過自新既往不咎並諄諭各屬良民不得妄生猜忌擅行戕害人心始定隨出具粗淺告示數十萬道派委委員捐給盤費分赴興安商州各州縣捱村逐戶人給一張開誠化導民情俱各貼服自元年二月至九月陝省本地並無妄動滋事之人我曾據實奏明並將告示進呈在案詎是年九月內四川達州太平教匪滋事暗令川匪多人潛赴安康紫陽等處布散謠言多方逼脅以致陝省曾經改悔之人又復反側不安我在漢中聞信於十月二十八日兼程馳抵興安那時安康縣屬之古廟嶺將軍山光頭山紫陽縣屬之米溪五作雲皆已有匪徒屯聚滋擾數至六七千人及二三千人不等而古廟嶺將軍山逼近郡城一二十里尤爲危急興安濱臨漢江土城久經坍塌兵備空虛一無所恃我一面飛札宜綿帶兵來援一面團集義勇在於水陸兩路晝夜嚴防支持半月得以保護郡城迨宜綿於十一月十三日帶兵趕到公同籌畫相度形勢調集安康紫陽平利竹谿各路鄉勇隨同官兵次第進剿並分派委員會同

地方官四路設卡堵截我與宜綿柯藩於十一月內先勦平古廟嶺次勦平將軍山十二月內勦平五作雲總兵索費英阿亦於十一月內勦平米溪十二月底宜綿遵旨赴川我與柯藩於二年正月內勦平光頭山兩月之內首逆俱已就擒餘犯悉皆殲戮並未稍留遺孽陝境全就肅清自二年二月以後陝省再無邪匪蠢動之事無如川楚之賊初起手時不能照竹谿興安及早撲滅及蔓延肆竄之後各路勦賊官兵往來追逐三年尙未成功而陝西一省介在四川湖廣之中西自寧羌東連商雒交界者十四州縣邊路綿長三四千里大小卡隘不下數百處內如西鄉一縣自西卡大毛坡起至東卡鹿池壩止計長九百四十里寫遠可知從前各路尙多險阻自聽民佃種山地之後百餘年來深山老林開荒殆徧既有可墾之土卽有可行之路向時所傳百二秦關不過僅存其名甚至不知其處兼之此等教匪生長山中翻山越嶺是其長技有兵則避無兵則趨我於嘉慶二年二月因陝甘兩省官兵俱已派赴川楚協勦奏請將原派赴楚之興漢鎮兵一千名撤回歸伍並請飭晉省預派兵二千名駐劄蒲

州以備緩急是年五月又經奏請將調到山西甘肅延綏官兵留於陝省防守邊界俱未蒙允准以致楚匪三股兩次乘虛竄入彼時我祇有兵丁數百名東西堵擋截殺百計支持心力交瘁又不敢輕試損威一死塞責有傷國體二年十一月我又奏請將愛星阿所帶兵一千五百名留於興安專顧北路業已奉旨允准又爲明亮等調赴漢中防守江岸至三年二月李全一股竄出郿縣斜峪關幸我留下王文雄之兵與我自帶兵勇合爲一隊從商州向西迎勦連打勝仗得以保住平地六月以後我同王文雄駐守漢中亦祇此一隊兵勇堵回川匪四次本年正月我督率漢興道文需鼓勵鄉勇在花石梁廟壩堵回川匪二次皆有案據月日可查此兩年間陝西地方實係受四川湖廣之累並非本省尙留餘孽辦理稽延我自川楚有事之後首以安集流離招撫携貳奏蒙聖鑒數年來推心鎮將體恤兵丁亦勉思竭此血誠藉以鼓勵衆心稍圖報効遇有調發必儘現有兵力悉數派往以壯聲威從不敢留一兵自衛惟因地方太廣賊匪股數太多我才具短淺辦理實形竭蹶至一切行兵機宜打仗布置雖

俱係我親身料理但總未能親臨前敵殺賊立功這就是我庸懦無能辜負委任還有何辯只求皇上天恩將我從重治罪

查抄秦承恩家產物件清單

謹將查抄秦承恩家產物件開具清單恭呈御覽

計開

祖遺新置田地莊房二十九契共價市平市色銀六千二百三十五兩七錢錢四十千文

祖遺新置房屋十四契共價市平市色銀一萬五千九百十三兩錢八十五千文

會票借券十紙共借出市平市色銀一萬三千零六兩內除還過銀一千三百兩已用去無存實借出銀一萬一千七百零六兩

現存市平市色銀三百九十二兩

現存錢一百八十四千七百文

朝珠二十三盤

珊瑚二盤 金珀二盤 沉香密蠟等項十八盤

綠品一盤

如意十柄

綠玉一柄 不等

鑲玉九柄大小

青玉磬一架 青玉瓶一件 青玉筆洗二件 青玉瓶雙件 青玉小爐瓶

三事 碧玉磬一架 青玉羊小煖手雙件 小青玉佩四件 青玉盆嵌寶

石長春花一件 青玉劍柄二個 青玉爵盃一隻 青玉梅雀小花瓶一件

青玉鹿一件 零星小玉帽花首飾玩器共二百二十八件 淡金首飾二

十八件約重四十一兩七錢四分

綴珠十粒 寶石五塊 碧霞璽三塊 玉片寶石六塊

鑲金銀首飾及銀器

皿約重一百數十餘兩 青玉碧玉首飾十三件 翠花四枝 綴珠十八粒 勒

花一個 綴珠一粒 貂皮褂統二件 又黃貂鼠十一個 狐狻灰鼠等項皮統二十

八件 羊皮統十四件 新舊女皮衣一百六十件 新舊綢緞紗棉夾單衣

裙五百七十三件 棉布夏布衣一百六十件 小孩衣並小孩皮統二百零


三件 綢緞紗綾縐綢氈片共四百一十三疋 棉布夏布三十四疋 新舊

綢布帳幔被褥及零星雜物一百八十件 書籍六百六十一本 銅器六十

六件共重四百四十七觔 錫器五百八十四件共重一千三百三十六觔八

兩 磁器九百十九件 木器一百九十件 雜穀一百六十餘石 僕婦婢
 女五口 當票七張內 金小手鐲七副重九兩九錢 金錢三十個重八兩九錢
 五分 共當銀一百九十兩 金鐲一對 重八兩 當銀八十兩 珠子二十
 粒重三錢 當銀八十兩 珠手串一百八粒連裝飾瓣子重一兩六錢五分 金如
 意重四十六兩四錢七分 共當銀七百兩 金鐲二隻 重八兩 當銀八十五兩
 金鐲一隻 重一兩八錢 當銀二十兩 紋銀壽字鏢二十個 重三十九兩五錢
 當銀三十兩

以上共計當本銀一千一百八十五兩將來應於會借銀內照數給還各當舖
 理合聲明



總督河道楊方輿爲請設烽臺以防糧運事題本

原眉批「擬刪」

欽命總督河道提督軍務兵部右侍郎兼都察院右僉都御史臣楊方輿謹題爲請設烽臺以防糧運事竊照東南數百萬軍糈全賴河道以爲轉輸事綦重也臣巡歷河干目覩沿河兩岸村店自明季以來頻遭土寇蹂躪房屋焚燬近日又因土寇猖獗人民逃亡百十餘里斷絕人烟一望淒然甚至二百餘里者糧運經臨在在可虞去歲武城地方漕運被劫漕船幸保前轍可鑑也目今新運業已進口臣屢檄該管道將預撥官兵按汛派防但河長兵少且步兵多而馬兵又少至于官兵分防相距頗遠若一處有賊別處官兵難以盡知安能一時會勦即使報到而賊已遁矣各該州縣雖有巡防快壯鄉兵其零星無多何濟于事臣展轉籌思惟有設立烽臺一策查沿河一帶每五里原有墩堡一座專遞往來公文因經荒亂盡皆廢弛今日之烽臺卽昔年之墩堡也再查沿河兩岸若有樓臺舊基者卽行整理無者卽取附近無主毀壞房磚修砌不費錢糧而修整完日嚴行各該州縣于原派快壯鄉兵中每臺撥十名居住其上安

置信砲若遇有賊一臺砲響臺臺相接官兵聞砲會齊易于擒勦庶賊知有備不敢窺視河干而糧運良有攸賴矣至于離河孔道應設烽臺與否事在該省巡撫臣在河言河不得不鯁鯁過計也相應具疏上請伏乞勅部議覆施行順治四年三月十三日旨該部知道

吏部侍郎馬光輝等覆徐起元請定察吏之制事題本

原眉批「重複刪此係前奏議覆之章」

吏部侍郎臣馬光輝等謹題爲敬陳察吏定制俾天下生民永享安寧之福仰乞聖鑒勅部酌議事文選考功清吏司案呈順治四年二月初八日奉本部送吏科抄出都察院左副都御史徐起元題前事內開恭惟我皇上興仁義之師掃蕩流氛救民於水火之中天下望風投順一統之勢已成而久安長治之道收拾人心爲第一要務然皇上所藉以收拾人心者全在有司有司親民之官利賴以興害賴以除有司賢則一方受其福而人心悅有司不肖則一方受其害而人心解今皇上定鼎三年遂大計諸省羣吏賢者留之不肖者黜之彰殫嚴明人心莫不儆惕誰敢復以不肖自居第恐日久生玩諸吏或勉持一時不

能保其不墮節於末路小民終不獲安其生矣皇上開創之初設立察吏定制以爲經久之計如有司官行政寬厚持己廉介作事精敏利無不興害無不除此賢有司也督撫按據寔薦揚或陞轉或行取宜照前代考績之法限以年分彼其歷練久凡民之情僞事之利病無不透徹理煩治劇迎刃而解小用之則小效大用之則大效有補於國家非淺鮮矣若夫柔懦無爲以及大貪大酷均爲小民之蠹不可一日使之居於民上督撫按不時稽察不時糾劾一面具疏上聞一面發審州縣官不肖發府廳會審府廳官不肖發兩道會審借叢者係本衙門之胥役被害者係本地方之百姓何難歸結限以三月成招解院如過限不完其中必有展脫情弊承問官卽以循縱論法在必行天下墨吏見無可倖脫之路敢不潔己愛民天下永享太平矣倘各差御史舉劾不當或在地方任性妄作臣等廉訪確實回道之日嚴加考察吏安民臣衙門總其大綱故敬循職掌披瀝上陳伏乞勅下該部酌議施行等因順治四年二月初六日奉聖旨該部議奏欽此欽遵抄出到部送司該文選考功二司會稿酌議相應具

覆案呈到部該臣等看得不肖官員勿論大貪大酷卽微賍亦必提問無容再議若夫柔懦無爲臣部自有考功之法至於稽察糾劾會審歸結則各該撫按之事也其賢有司陞轉限年久任已經臣部題明俟人才輻輳再議矣恭候命下臣部行令遵奉施行順治四年三月二十六日奉旨知道了徐起元奏內事情因屬職掌但有不肖有司須指名參奏不必泛套條陳

總督兩廣巡撫廣東佟養甲爲請進取雲貴並特選滿員總督江西兩廣
事題本

總督兩廣軍務兼巡撫廣東臣佟養甲謹題爲遐荒久待皇仁鄰封經制須蚤敬陳撫安之策仰祈聖裁以成一統事竊惟前朝失政官貪吏蠹商困民窮是以引領天兵如同時兩臣自入廣來所到地方目擊百姓顛連無告之苦望治最切一經恤撫瘡痍頓甦真有旣喜王師之遠臨又嘆王師之遲至者臣今廣東一省雖瓊州之報少待而將吏兵馬俱去該府差人渡海來迎不日全定矣廣西一省雖梧州之撫初定而文武兵馬雲集兩江分路傳檄亦次第可歸矣

廣西以上界連貴州雲南兩廣觀望有附兩省而去者兩省望恩亦有依兩廣而來者臣審時度勢亟宜進取兩省以成一統之弘規但其疆圉僻居天末風氣恆多濕溽山高水深跋涉亦苦所用弓矢必須此地所造北地携來必筋膠踈裂卽銃砲火藥亦須此地備辦臣可措處錢糧委督造都司熊繼先料理妥當惟祈聖明分遣滿洲大人烏金朝合固山數員專任進取雲貴兩省并帶北地馬匹砲手前來臣得相助應用可使無匱卽江西省地方已定兵卒頗多就近撥添雲貴之用亦係最便然廣東以北界連江西廣商欲赴浙直山東京者舍此不能飛渡江西地方素瘠又加久抗天兵赤地千里浙直商賈望之而却步廣東貨物過庾嶺而愁心似此該省荒疲縱生聚教養亦難頓起彫瘵不惟廣省物力坐困卽北地所需諸貨何從仰給伏祈聖明特選老成練達廉幹正直滿洲大臣一員總督江西兩廣三省卽裁贛撫爲廣東撫而廣西江西各有撫臣分任則總督居中因時制宜隨地布置或廣東省或肇慶府或吉安府往來移鎮庶于此詘彼盈之中寓贍兵護民之法通商可以裕餉察吏可以安

民從此而上通浙直呼吸可以達帝都矣臣兀居廣省斟酌鄰疆蚤爲安定蚤爲疏通莫善于此從此百貨輻輳于京軍需民利俱可饒裕而東南半壁仰佐天府裨益封疆誠非渺小伏乞聖明裁奪施行順治四年四月十五日旨該部知道

戶科左給事中梁維本爲請申開荒田興水利之令事題本

原本誤科爲部

戶部左給事中臣梁維本謹題爲請申開荒田興水利之令以奠民生以臻上治事臣惟堯舜之化不過耕田鑿井而成周以農事開國福祚綿長可見農務者安民弭盜之根本水利者節宣旱澇之先圖也明季人情逐末習尙奢華遂致大亂我國家以勤力撲茂之風成一統萬年之業民安物阜旣肇基於今日矣竊聞秦豫及廬鳳等處荒地尙多而畿內泉源儘饒水利未興此天地自然之福澤實待創始之經營也上年河南撫臣責成州縣開墾荒田詳列畝數具奏可以爲式茲當麥田欲收秋禾甫佈請行令各該撫按各將所屬荒蕪田地極意招徠設法開墾其泉源可濬者更鼓舞農民共加疏導歲終一如河南例

開具詳細奏聞銓部卽據爲勸懲倘有豪惡阻撓治以重罪則地無遺利人有生資旱澇不能災盜賊無自起聖人所云生衆爲疾則財恆足者道不越此臣再惟愚民難爲慮始而倡率全由守令三代而下惟漢世良吏稱盛攷南陽太守召信臣治行高等乃史書亦止稱其出入阡陌行視郡中水泉開通溝澆以廣灌溉及禁止奢靡而已馴至政化大行戶口增倍盜賊獄訟衰止今豈無信臣其人者第恐遷轉靡常人同傳舍茲銓政一新不壅不濫如郡守實爲吏民所信愛不妨久任以竟其施而超擢於異日以旌厥績庶農功吏治兩有攸賴矣倘臣言可採祈勅下該衙門施行順治四年四月十五日奉旨該部知道

巡按陝西監察御史許弘祚爲查明回奏地方荒殘乞蠲荒徵熟事題本

原眉批「擬刪」

巡按陝西甘肅監察御史臣許弘祚謹題爲地方荒殘實甚窮民呼籲堪憐乞下蠲荒徵熟之明旨俾霑三分免一之實惠以廣仁聲以保子遺事順治三年十一月初七日奉都察院勘劄准戶部咨陝西司案呈奉本部送戶科抄出本

部覆甘肅巡撫黃圖安題前事疏報甘山高臺涼永鎮古等衛所拋荒地數議
無主荒田全免額賦有主者二年免糧三分之一三年仍免額賦之半該巡按
御史查勘明白將應免分數酌議妥確奏請定奪等因順治三年九月二十二
日奉聖旨是欽此欽遵抄部咨院劄行到臣案行守巡西寧二道逐一查勘確
議去後茲於本年三月二十八日據分守西寧道參議蘇名世呈稱行據涼州
監屯同知徐自礪查得涼永鎮古四衛所原額屯科墾學召種地共二萬三千
二十五頃二十二畝六分三釐五毫糧共六萬七千四百一十六石二斗二升
五合五勺草五十九萬二千五百七十九束八分八釐四毫內奉文查勘過虛
懸拋荒地共三千七十三頃六十四畝三分七厘該糧七千八百一十五石二
斗一升二合四勺草七萬五千二百三十八束三分七厘內應全免虛懸地一
千七百四頃四十畝五分七厘七毫糧四千六百八十九石一斗二升七合四
勺四抄草四萬五千二百三十一束四分二厘二毫一絲於內查出沙壓河崩
田地有水利見存者該糧一千二百七十四石七升六合九勺三抄草一萬二

千三百五十八束四分二厘議於每石留水租糧二斗共留水租糧二百五十四石八斗一升五合四勺草二千四百八十一束一分二厘六毫實該全免虛懸地一千七百四頃四十畝五分七厘七毫糧四千四百三十四石三斗一升二合四抄草四萬二千七百五十束二分九厘六毫一絲係風次沙壓猛水衝跌地土無存時今無人無地亦無水利者原議全免以除久懸其有主應照年限量免分數拋荒地一千三百六十九頃三十三畝七分九厘三毫糧三千一百二十六石八升四合九勺六抄草三萬六束九分四厘八毫原係地高水低及逃故所遺者責令該屯該法疏水招人項種議於順治二年分三分免二該免糧二千八十四石五升八合六勺三抄草一萬九千九百七十四束六分五厘四毫順治三年分半免該免糧一千五百六十三石四升二合四勺八抄草一萬五千三束四分七厘四毫順治四年照依原數全徵外爲照涼屬窮邊絕塞遠在天末旣遭奇荒惡疫又值闖逆肆虐軍民逃亡極多地土荒蕪最甚遺子僅存皮骨誠有不忍見聞者矣今我聖朝建鼎首恤民艱查得無人無地及

無水利虛懸糧二千四百一十五石五升五勺一抄草三萬二千八百七十三
束二毫一絲似宜全免無地有水糧一千二百七十四石七升六合九勺三抄
草一萬二千三百五十八束四分二釐亦應除賠累之糧改徵水租糧二百五
十四石八斗一升五合四勺草二千四百八十一束一分二厘六毫以上除留
水租糧草外共該寔免糧四千四百三十四石三斗一升二合四抄草四萬二
千七百五十束二分九厘六毫一絲至於有主荒地該糧三千二百一十六石
八升四合九勺六抄草三萬六束九分四厘八毫槩難乞蠲查照年限於順治
二年三分免二順治三年半免順治四年全徵永杜賠累之苦示以寬恤之仁
相應呈請等情到道覆查無異相應呈報統候詳示遵行四月十三日又據肅
州兵備帶管分巡西寧道副使楊問奇呈稱奉此備行甘州屯局司及屯兵官
一併查勘今准屯局都司殷國祚查得甘山高臺各衛所原額屯科地一萬六
千九百七十九頃三十七畝四分八厘七毫二絲糧九萬四千九百九十三石
九斗九升三合七勺七抄草五十七萬九千七百一十二束七分八厘九毫四

絲於內查出拋荒地一千六百二十七頃九十畝二分一厘三絲糧一萬四千六百七十四石二升二合五勺三抄草一十萬二千七百六束九分三厘四毫三絲應全免荒地九百八十九頃七十四畝二分一厘九毫糧一萬四百五十四石二斗六升四合七勺草七萬五千三百五十一束四分三厘六毫內有應留水租糧三千七百七十三石二斗八升三合水租草三萬三千八百一十七束八分每石應留水租糧三斗共留水租糧一千一百三十一石九斗八升四合九勺草一萬一百一十七束七分四厘九毫實該全免荒地九百八十九頃七十四畝二分一厘九毫糧九千三百二十二石二斗七升九合八勺草六萬五千二百三十三束六分八厘七毫應照年限量免分數堪以招墾荒田六百三十八頃一十五畝九分九厘一毫三絲糧四千二百一十九石七斗五升七合八勺三抄草二萬七千三百五十五束四分九厘八毫三絲內有應留水租糧一千一百六十九石八斗四升四合草七千一百二十二束五分二厘每石應留水租糧三斗共糧二百五十石九斗五升三合二勺草二千一百三十六

東六分八厘五毫寔該量免糧三千八百六十八石八斗四合六勺三抄草二萬五千二百一十八束八分零順治二年分應三分免二共免糧二千五百七十九石二斗三十八抄零草一萬六千八百一十二束五分零順治三年分應半免共免糧一千九百三十四石四斗二合八勺零草一萬二千六百九束四分零順治四年分照依原額并前留水租全徵此係前任院道面加商確慮其折色不繼屯糧係三軍命脈蓋於憫恤貧民之中寓其慎重國儲之意曾經查明分別造冊具題報部訖又據甘州屯兵同知丁時查得原額舊王祿糧地三百三十六頃七十五畝一分原額糧五千二百三十八石一斗五合例不徵草自順治二年七月十六日開倉起至十月十九日止收過舊王祿糧二千五百三十四石四斗三升尙該未完糧二千七百三石六斗七升五合徵納間於十月二十日奉旨三分免一於未完糧內遵照免過糧九百石三斗二升三合七勺七抄五撮實該徵糧一千八百三石三斗五升一合二勺二抄五撮又自二年十月二十日起三年正月二十日止收過正糧一千三百五十一石一斗七

升再該未完糧四百五十一石四斗八升一合二勺二抄五撮俱係荒糧奉旨蠲免訖及查三年分原額舊王祿地三百三十六頃七十五畝一分原額糧該五千二百三十八石一斗五合例不徵草於順治三年四月內該前前任署屯兵同知劉應元踏過實荒井水衝沙壓地四十二頃八十二畝五分五厘內無水租實該免糧六百三十七石二斗九合而熟田該地二百九十三頃九十二畝五分五厘寔徵糧四千六百石八斗九升六合一一照數徵收並未於內奉免糧石今蒙覆查於前無異等情各照原勘過屯糧祿糧二頃荒田分別熟荒蠲免年分登答造冊到道覆查無異相應呈報候示遵行等因各報到臣該臣看得甘涼等衛所處在天末極西之地山高土冷田多不收前數載奇荒民窮莫支復罹寇難處處遭其蹂躪而剋城陷堡戕戮軍民過半田地拋荒愈甚矣室藏俱已盡空糧草寔無所出卽所存子遺尙且未有起色幸我皇上一皇叔父攝政王「神威遠播除寇安民邊腹共享太平首頒蠲荒免稅之詔普天均霑浩蕩之恩卽今苦楚之瘡痍從此稍得甦生矣前撫臣黃國安上體聖意下

憐窮民具疏題免賦稅奉旨下部行臣復查臣查得涼永鎮古肆衛所無人及無水虛懸糧三千四百一十五石五升五勺一抄草三萬二千八百七十三束二毫一絲應行全免臨壩無地有水糧一千二百七十四石七升六合九勺三抄草一萬二千三百五十八束四分二厘亦應除賠累之糧改徵水租糧二百五十四石八斗一升五合四勺草二千四百八十一束一分二厘六毫以上除留水租糧草外共該寔免糧四千四百三十四石三斗一升二合四抄該寔免草四萬二千七百五十束二分九厘六毫一絲至於有主荒地該糧三千一百二十六石八升四合九勺六抄草三萬六束六分四厘八毫槩難議免應照年限量免分數議於順治二年分三分免二共免糧二千八十四石五升八合六勺三抄共免草一萬九千九百七十四束六分五厘四毫順治三年分半免共免糧一千五百六十三石四升二合四勺八抄共免草一萬五千三束四分七厘四毫四年全徵再查甘山高臺等衛所實該全免荒糧九千三百三十二石二斗七升九合八勺實該全免草六萬五千二百二十三束六分八厘七毫又

照年限量免有主荒地該糧三千八百六十八石八斗四合六勺三抄草二萬五千二百一十八束八分零似難槩免議於順治二年分三分免二共免糧二千五百七十九石二斗三合八抄零共免草一萬六千八百一十二束五分零順治三年分半免共免糧一千九百三十四石四斗二合八勺零共免草一萬二千六百九束四分零四年照依原額并前留水租全徵又查得舊藩祿糧順治二年內未完糧四百五十一石四斗八升一合二勺二抄五撮係荒糧奉旨蠲免訖三年分踏勘過實荒并水衝沙塵內無水租該實免糧六百三十七石二斗九合而熟田該實徵糧四千六百石八斗九升六合應照數徵收以上經臣詳查委與前報無異除備造清冊送戶部查覈外伏乞聖明勅部議覆請旨豁免庶力竭之民少蘇而賠累之苦卽超矣因述查明回奏糧草例不限字懇望鑒宥謹題請旨順治四年四月二十六日奉旨戶部知道

戶科左給事中梁維本爲請申明有司職掌禁棍徒抄搶良民事題本原

眉批「刪」

戶科左給事中臣梁維本謹題爲申明有司職掌祈嚴加責成以綏良善事臣
昨從諸臣後仰聞天語傳宣有撥什庫誣害良民立正大法蓋殺一人可生千
百人真天地之無私日月之舉照大小臣子誰不感頌皇上「皇叔父攝政王」
至仁至斷安撫元元德意顧臣竊觀近日害良民者非盡屬滿人也每由姦猾
市棍平常越分妄爲乘土賊造孽自干天誅遂假土賊之名恣抄搶之計唆誘
滿人托言出首不報守令不用公差方出首之先已將良民家業席捲瓜分守
令吞聲鄰佑遠避及至良民辯明得釋而家業已不可問如傳聞定州清風店
鄭國閏新安縣段村管九善咸遭羅織雖部臣仰體聖心必能秉公確審臣恐
鄉村小民尙有含冤飲泣者卽臣等亦不能確知而入告也總緣令長未能持
權棍徒因而干紀伏念令長職司百里戢暴安良乃其專責如地方事消弭不
蚤主持不力便屬曠瘼况真正土賊恨不立加誅鋤以報國恩誰敢容隱請嚴
賜通行申飭凡有土賊但許各地方人等密報府縣訪拏不許私自擅行抄搶
倘府縣怠玩自有撫按糾參倘府縣徇庇自有科道糾參又何埃棍徒假公濟

私紛紛蔑官長駭鄉愚也如是則權柄一而責成專綱紀修而體統肅朝廷安民大德與懲惡大法並昭守令自不得置良民於膜外而藉口以墮職掌矣果臣言不謬祈賜通行申飭謹題請旨順治四年四月二十八日奉旨凡出首土寇必須經官有私自抄搶的如律問罪奏內鄭國閏管九善事情著確審具奏該部知道

總督兩廣巡撫廣東佟養甲爲請許濠鏡澳人通商以阜財用事題本原

眉批「擬刪」

總督兩廣軍務兼巡撫廣東臣佟養甲謹題爲懷來遠人以通財用事照得粵省西南海邊至香山縣而止此外俱係大洋獨去縣二百里有餘地一片高山峻峭接壤縣地狀如吐舌名爲濠鏡澳所名佛朗西國人住居百餘年矣此國之人種係西洋來聞其經歷外洋如暹羅日本交趾瑪珈沙各國皆彼往來貿易卽以番島各貨向年乘潮至高州電白海濱停泊番船搭蓋茅寮與粵賈爲市市畢焚寮而去前朝嘉靖年間漸入至濠鏡澳僑居蓋造房屋每年輪廣省

布政司地租五百兩名曰水米椒銀以是每年許其來廣入市點其名數稅其貨物離城三十里泊舟海面內與粵人互市以通事件之前朝廣省內外貨物流通番舶巨商富賈爭相貿易民獲資生商歌倍利歲額餉二萬二千兩每年不缺厥後官貪弊積需索繁苦以激怒殺兵之隙禁不許來止令商人載貨下澳此前朝崇禎十三年事自後商復困累貨復阻塞往來不戒于塗民生因之困憊餉額多減僅以千數計此濠鏡澳之人來則利於廣不來則無利于廣之明驗也今我大清一統浙直山陝河南坦然周行達京甚便必商賈輻輳皇都矣廣商跂想北販廣貨亦欲望北疏通但商人載內地絲縷品物來粵卽易檀香胡椒犀角羽毛之屬以達京省通商阜財勢所必需然仍准澳人入市廣省則又通商之源也往例設海道兼督市舶提舉專理惟此之故臣思天地生財有數內地民力計畝徵收血力幾何通商固以裕國而通番國之商尤所以裕廣省之餉益中國之賦合應仍復古例每歲許濠鏡澳人上省商人出洋往來稅驗之官臣嚴核才品共相砥礪潔己撫綏不但粵民可以食力而不爲盜遠

方諸國亦聞風感戴皇恩舞躍貢琛當原原而恐後矣順治四年五月初三日
旨該部知道

兵部尙書阿哈尼堪爲議覆吳達題請清保甲於民未便事題本

原眉批「擬刪」一刪

兵部尙書臣阿哈尼堪謹題爲直陳狡賊繕起之繇并獻一怒永清之略仰祈
聖鑒以備採擇事職方清吏司案呈奉本部送御前發下紅本該山東巡按御
史吳達題前事內稱臣聞及時禦侮未雨知憂患之道整師篤祐一戎彰大定
之休如今者賊氛狂逞城邑告陷西則禹城高唐在平鄒縣武城臨邑新城清
平霑化齊東青城東則高苑擄我漕道射我憲臣屠我邑宰毒流東兗濟清罪
惡彌天一至於此茲豈一日猝發而照與仰三年以來因循蓄玩以釀此禍者
譬猶養癰一朝而潰敗也伏讀都察院劄該撫按查道官職名臣竊謂罪行
自上斧鉞之誅應從臣始然不敢不以致寇之繇爲皇上「皇叔父攝政王」縷
悉陳之庶後日前車可鑑俾將來膺民社之計者可無復蹈此覆轍也請先言
三年來所以釀今日之禍者今夫外之用勦內之用守無非兵馬自藉臣無其

責遂不敢越俎而問之然每見兩撫臣鯁鯁以此爲慮省標合兩營不充二百騎矧其以三分一日之芻供而希騰驤之用必不得之數也步兵數有千五而餉與馬等僅僅足糊其口以入口噉噉待哺之人求其捐生殉伍有是理哉乃此邑告警發以五十彼邑告急發以五十兵單而勢復分是有千五百之名而實無千五百之用矣詢之東牟勢略相彷彿是兩撫臣疏請買馬而上不俞允疏請益餉而上不俞允疏請設守城兵而上又不俞允撫臣計殫力詘止於文移中督責印捕盡心防禦不啻筆禿而無如積痼之難起也且今日蜂起之徒何人乎卽元年受撫之賊首也其時王師駐臨東省赫濯之聲靈聞風胆落勢不得不俯首就撫今大兵離東而南征矣撫標之勁旅驍騎可屈指數也抑昔日之受撫者人給以材官之劄或千總之名以此羈縛其身使不敢躍冶彼亦自炫於閭里曰我某衙門委用人也總有仇隙投鼠咸思忌器今一旦奉旨盡取劄委而繳之寧不謂朝廷名器不容濫以加人但輕於用撫伏莽遂致不測兼之貢選一途乏遠大之器但急催科撫字招徠之法置之高閣城市青草蔓

衍寥寥數椽淒然興竈冷寒烟之慨卽如禹城一邑臣入省道經其縣見居民不數家滿目蕭條不堪見聞臣不解前任知縣成演兩年來料理何事令民裹足不入城若此設使有民可守賊今日安得乘虛而突入哉竊嘗總計東省州縣之吏百有其四膽智絕人躬戰馬而擒之能使邑盜無遺種外盜相戒不入境陞任樂陵令萬邦翰一人也其他練選衛丁編緝牌甲怒馬勁氣撫臣見而動色則有歷成令袁懋德破情面躬矢石踵滿州戶部而馳驟賊鋒則有益都令揚原澄至賊氛逞而塘報日聞觀其偵探之用心足徵成守之有備則有壽光令許文秀博興令李經國恩縣令王天鑑沂水令張慎行餘皆未見表表者矣嗟乎尺土皆朝廷版宇今東兗濟青爲撫而復叛之賊蹂躪如入無人之境庸臣誤國其罪豈勝誅也惟登萊二府庶有人樂耕桑之景然幫賊實觀釁而動亦詎云狼心之竟化耶今幸王師東指入境早寒其胆而西東距賊王洪陳振宇等又已授首澄清拭目可俟抑臣尤有陳者賊自大兵屢創以後皆彌山漫野自西而東有倚山爲角者有百騎仍聚劫者有五六十騎並轡行者有一

二十騎疾走如驚者似乎有星散之勢臣以狡賊多智彼一見雄鋒之莫敢撓不揚鞭而逃卽解鞍而歸自號爲良耳若使王師駐臨之日窠穴猶然未蕩根株猶然未清臣竊虞凱旋以後難保死灰之不復燃也今日之殷鑒豈其遠矣然欲窮窠穴絕根株必先清保甲而以一家不舉九家連坐之法行之此惟撫臣按臣主其成而司道臣董其事若徒委之印捕則懼有虛名故事之患不惟無益而且有害蠹奸胥侵欺之病叢生焉請爲皇上晰其詳保甲之行也十家并爲一牌卽查一牌中原係丁男幾口曾否見在賊營逃歸責取十家甘結其隱匿不舉者同罪其或丁男原係幾口今缺其一卽查其人曾否見在賊營懼大兵遠竄他方如果係逃賊亦責取十家甘結不許容其私歸卽連名首官其隱匿不首者同罪今司道臣所轄無多州縣若能逐縣親臨單騎督率舉行則戶口旣正賊穴一清無鄉約舞文之病無捕官需索之病無印官下鄉衙役紛擾之病無紳衿籍勢不容清查之病如此自村而里自鄉而城自小縣而大縣自一邑而一郡萬口之孰良孰宄皆了然於司道臣之冊中尙安有潛匿之虞

也哉而城廓之內尤急招徠昔人云衆志成城言乎人心可恃耳若先無其衆又安所取志而恃之生聚教訓之方奈何至今日而不思舉行也茲其事亦責之司道臣以生齒之繁衍幹止之寧謐兩者督課諸司管轄多者兩月一巡州縣管轄少者一月一巡州縣周行之下有司之勤惰無所逃庶幾百雉之邑烟火萬家無事享耕稼之樂有急輸效死之誠要之紳衿者衆庶之倡也是又在有司之鼓勵而激勸矣凡此皆從王師掃蕩以後東省大小臣工當精白一心而另闢一清明之世界以仰答皇上「皇叔父攝政王」養之恩者若撫臣與臣下逮司道諸臣乘茲大創而不病首痛心仍然祇以批駁文移爲事則因循養癰之端臣又懼其自今日始也雖然伏願皇上「皇叔父攝政王」軫念地方必先以更治爲兢兢自古貪吏之禍烈而速庸吏之禍緩而深積玩三年以有今日遂至興師動衆上廛宸衷臣等固罪不容誅而計典伊邇一陟一黜在聖明尤宜慎擇苟能使用舍不淆推選良吏以嘉惠東土則今日蠹茲小醜又未必非殷憂啟聖之一助也微臣冒昧罔識忌諱但期地方又安爲一勞永逸之

計不顧狂瞽疎愚上瀆君父之聽字頗逾格并希聖明矜宥等因順治三年十一月十八日奉聖旨該部議奏欽此欽遵密封到部送司案呈到部除事關別部者聽另議覆外該臣等看得十家一牌不時巡察勢必使小民廢生計絕往來似猶未便也緣奉有議奏之旨相應覆請恭候命下臣部遵奉施行謹題請旨順治四年五月十二日

巡按江西試監察御史吳贊元爲請均南瑞袁三府賦額事題本

巡按江西試監察御史臣吳贊元謹題爲民力重困賦額宜均敬採輿情仰祈聖鑒事竊照江西一省於天下爲至貧而南瑞袁三府於江右爲尤苦何者以土瘠而糧重也蓋他郡額數輕重尙適其平惟此三府以元末陳友諒割據倍徵明朝因循未經釐正如所稱僞將歐祥以三升鄉斗誤作十升官斗造報及瑞州府元志載糧十二萬五千餘明冊則二十二萬四千零矣甚且水推沙塞倍累虛糧逋欠難完敲朴取足官民交困職此之由今興朝啟運聖治維新凡前代無藝敝政自當更定况三郡率先順化又經屢歲荒殘皆屬黎民何忍偏

枯不救目今清丈田畝不及此時覈實釐正仍一概取盈舊額恐非我皇上勤恤民隱之心也故敢以目擊之情形代爲請命臣謹會同巡撫江西右副都御史章有天合詞上聞伏乞勅下該部案查他郡每畝額賦若干俾三郡照例輸納更行清丈各官履畝親查毋泥舊數其水推沙塞者固當盡與開除其有近山易旱近水易潦歲常不收者卽原係上田亦當改與輕則庶殘黎可以更生而皇仁普於無旣矣謹題請旨順治四年五月十六日奉旨戶部知道

巡撫寧夏胡全才爲請頒書籍以便傳習事題本原眉批「擬刪」

欽差巡撫寧夏等處地方贊理軍務都察院右僉都御史臣胡全才謹題爲懇請頒發書籍以隆聖化事竊照寧鎮風氣勁朴人士淳龐儘堪鼓勵但因變亂之餘舊章灰燼制藝未到卽臣衙門卷案燒燬無存何況民間書籍沉淪何問遂爾官吏無從觀感士子無憑誦法臣思化頑歸正教訓爲本敢迷入悟經典爲先若待商販遠來望梅難俟伏乞皇上「皇叔父攝政王」俯念邊陲士吏胥沐聖化允勅該部准將清律典制自順治元年以至於今著作之章并鄉會新

墨性理通鑑諸書各發二十部來寧以便傳習庶優游教化之中寓功令維新之意風俗人心非小補也爲此具本謹題請旨順治四年五月二十八日奉旨禮部知道

禮部左侍郎祖澤遠等爲議覆趙班璽題請清學校禁邪教事題本

原眉批「刪」復

禮部左侍郎臣祖澤遠等謹題爲聖治日隆臣誼莫效謹陳四事以襄盛理事儀制等清吏司案呈本部送禮科抄出河南道試監察御史趙班璽題前內事除別用舍誅盜魁二款聽吏兵二部議覆外其一曰清學校以儲才用也學校之設原以養育人才馴至明末不無濫觴名數日增歲考稀闊臣請聖諭申飭督學諸臣查照大縣中縣小縣分別科歲進取名數各有定額不得濫收歲考嚴加澄汰其有聚羣成黨出入公門陰以把持武斷者從重革處一曰禁邪教以正人心也小民無知易於惑溺白蓮紅巾之亂由此以作不可不嚴之於早臣請聖諭申飭等因順治四年二月十六日奉聖旨該部知道欽此欽遵抄出

到部送司應本部議覆案呈到部臣等看得各府州縣大小學臣部難以懸定合無行各省直學臣酌定上中下學報部覆核其進取名數酌量舊額議定大學四十名中學二十五名小學十二名嚴加歲考澄汰劣生學臣專責所宜嚴飭者也至於白蓮等邪教允宜禁絕合無一併嚴飭伏乞命下臣部轉行各學臣并各撫按遵奉施行爲此具本謹題請旨順治四年六月初三日奉旨是依議行至邪教一節各該地方官尤宜嚴加禁絕如縱容不行察處事發併究該衙門知道

總管內務府堂派主事扎昆珠等妥爲照料暹羅貢使事堂諭

內務府檔


咸豐二年十二月初九日

堂交奉堂諭此次來京朝覲之暹羅國貢使等將屆到京在四譯館居住每日所需飯食著派堂主事扎昆珠堂委署主事福善堂掌稿筆帖式恆俊恩杰員外郎毓清內管領英年會同膳房派出二等侍衛尙膳正恩慶主事官銘藍翎侍衛海安福環妥爲核實辦理卽著該員等逐日在彼認真稽查派委熟習妥當人役置辦一切差務毋得草率從事至暹羅國貢使等出入接送聖駕各事宜該員等務須妥爲照料如於賞賜各物內有尅扣情事卽著該員等查明呈回本堂等參辦決不姑貸等諭此交咸豐二年十二月初九日

總管內務府爲應選女子禁止時俗服飾堂諭

內務府檔
咸豐三年正月廿四日

堂交奉堂諭本年二月初六日挑選本府三旗女子之期若不先行嚴飭各該旗禁止時俗服飾必致臨時不能整齊著二旗佐領管領下嚴行曉諭備選該家屬此次應行備選女子內有穿袍褂戴鈿者仍按舊例穿戴其袍褂袖寬不得過六寸以示限制其年歲較小者或從官樣梳兩把頭或髻髻或髮辮俱可至穿用衣服或棉襖或布衫各隨家計穿戴其衣袖寬亦不得過六寸以符舊規至一切時俗叉子高頭燕尾寬大袍袖漢式衣服概不准濫行裝飾卽著該管參佐領等各按報選之家將現定限制通行家喻戶曉務於五日內報堂備查屆期著會計司官員預日逐車按名查看後仍著堂上查看倘有抗違不遵者係官員女子卽將該父兄呈明參處如係兵丁女子卽將該父兄責革如放排之日被本堂等查出定將該管參佐領等從嚴參辦並將會計司稽查官員懲處決不姑貸凜之慎之特諭此交咸豐三年正月二十四日




蘇州織造查明庫使舒成等下落呈內務府文

內務府檔
同治三年八月十九日

管理蘇州織造兼管濟野關稅務錫爲呈覆事准貴府劄開廣儲司緞庫案呈由堂抄出奉堂諭江南蘇州杭州處司庫筆帖式庫使向係由該織造等將各員到任日期先行咨呈本府自到任之日起扣足在任五年期滿更換除江南司庫松齡筆帖式吉順德善庫使景禧榮裕蘇州司庫嗣麟筆帖式廣慶庫使榮椿杭州司庫崑瑛庫使恩溥玉林等現在均已更換赴任其蘇州筆帖式承蔭庫使舒成杭州筆帖式文裕義安庫使繼曾等五員均自咸豐九年補放迄今五年之久僅據杭州織造咨呈該處筆帖式文裕義安庫使繼曾等不知下落其餘各員並未據各該織造咨呈亦未接該員等在途患病來文是該員等下落未卜卽如在途患病例限已逾數年應照案先行開缺另行選補俟該員等到京後查明因何久未赴任再行分別辦理並著緞庫作速劄行三處織造就近查明該員等現今有無下落及在任時有無殉難情形等項事故及現已差滿尙未到京之江南織造處筆帖式恩綬並前任該處筆帖式嵩安前任庫

使福恆等一併迅速詳查明確迅速備文咨呈本府以憑辦理等諭等因抄出到庫相應劄行蘇州織造迅卽查明各該員等的實下落有無患病尙未赴任據實詳細咨呈本府以憑辦理可也等因准此查前任庫使舒成筆帖式承蔭據該家丁王保等於同治二年八月在前織造文任內曾經具稟謹開竊奴才自咸豐九年六月由京跟隨主人舒成赴蘇任事當差於十年四月十三日蘇城失守時奴才老爺太太並三少爺年五歲小姐四位家丁五名口並有本衙門筆帖式承蔭並二少爺年十二歲家丁三名均陷在城內於十四日巳刻有長髮賊十數個來至本署撞門入室奴才老爺卽持短竹杆打賊卽被賊用鐵尺連打倒地氣絕太太小姐等同聲大罵衆賊搶拉大小姐向外急跑太太同奴才等急趕趕至烏鵲橋東太太拉住一賊兩旁之賊用尖刀將太太胸腹連戮登時戮死推入河內奴才二人由小巷跑進鵲庫巷承老爺衙門內賊亦趕進承老爺大罵卽用茶碗打壞一賊眼目衆賊將承老爺脖子用繩拴住聲言拉回作天燈拉至平橋西氣絕棄尸於路遂將奴才綁去給賊燒飯奴才二人

原欲尋死因恐主人遇害情由無人得知爲此苦延月日藉可找尋小主人小姐等下落竟無音信且奴才王保女人同太太一時被賊戮死至五月間奴才二人乘便逃至鄉間隱避因賊卡難出直至本年克復常熟始得逃來江北泰州將主人被害三少爺四位小姐失散並承老爺被害其二少爺亦無下落各目視寔在情形等因據此查該庫使舒成筆帖式承蔭臨難捐軀深堪憫惻彼時因該家丁等具稟後業已進京蘇省未復恐有訛錯未敢遽行咨報本織造履任後詳詢被難居民與所稟相符正查辦間茲准查詢相應呈覆爲此具呈貴府請祈鑒察希卽轉爲報部請卹施行須至呈者右呈總管內務府同治三年八月十九日



賡音布佐領下監生繼耀爲兄陣亡請卹呈

內務府檔
同治二年七月十七日

具呈內務府正白旗漢軍賡音布佐領下監生繼耀呈爲胞兄繼曾在任陣亡胞嫂方氏自焚殉難叩求王爺大人據情代奏請卹事竊胞兄繼曾係內務府緞庫庫使於咸豐八年六月間簡放杭州織造處庫差於是年八月二十日由京起程是年十月到任十一年杭州失守傳聞胞兄陣亡胞嫂自焚殉難繼耀以傳聞之事未敢盡信茲於五月十九日隨任家人高利由杭逃回據稱十年間杭州戒嚴主人奉將軍瑞昌巡撫王有齡派委營務處當差是年十月十三等日隨同將軍瑞昌乍浦副都統傑純在賣魚橋地方打仗並克復餘杭縣城於十一年八月間經將軍瑞昌巡撫王有齡保奏俟差滿後以內務府六品司庫儘先補用先換頂戴是年九月間髮逆復圍杭州主人晝夜隨同將軍瑞昌乍浦副都統傑純在鳳山等門打仗因城內糧盡外無援兵遂於十一月二十八日辰時杭州失陷復隨同退守滿洲營內十二月初一日未刻滿營亦陷其時主人隨同在小營門內打仗主人力竭陣亡主母及僕婦王氏僕人黃二升均在

副都統傑純家內一同自焚殉難彼時奴才進退兩難只得潛逃出城沿鄉求乞困苦異常卽欲進京申訴又無盤川延至今春三月始遇便搭幫進京等語繼耀閤家聞之殊深悽慘謹將該家人所稟胞兄陣亡胞嫂及僕婦王氏僕人黃二升一同自焚殉難情形具稟呈明叩求王爺大人俯念繼耀胞兄嫂陣亡殉難之慘烈據情代奏備邀恩卹不獨歿於泉下者啣感及繼耀閤家亦感戴鴻慈於生生世世矣爲此瀝情具呈伏乞代奏施行實爲德便謹呈同治三年七月

十七日

光緒元年朝鮮進貢案 內務府檔

禮部爲朝鮮進貢事咨內務府文

禮部知照事主客司案呈本部具奏朝鮮國恭進例貢各方物請旨一摺光緒元年正月二十二日奏本日奉旨依議欽此相應抄錄原奏貢單知照內務府查收仍將前項貢物收明之處咨部查核可也須至咨者右咨內務府光緒元年正月二十五日 計原奏貢單各一件

禮部繕呈朝鮮年貢方物清單摺

禮部謹奏爲請旨事收貢事據朝鮮國王李熙差陪臣李會正等恭進例貢到京所有呈進慶賀表狀業經臣部奏准發還其恭進兩宮皇太后前狀奉旨著一併交該使臣帶還毋庸繙譯具題欽此欽遵在案今朝鮮國王李熙遣使恭進例貢各方物現已到京所有慶賀方物並呈進兩宮皇太后前方物應請均交該使臣帶還至謝恩表請照例交內閣敬謹收存年貢本請照例交內閣繙譯具題年貢方物請照例收受恭候命下臣部行文內務府武備院遵照辦理

謹將此次該國呈進年貢方物繕寫清單恭呈御覽爲此謹奏請旨謹將朝鮮國恭進年貢方物開列於後 白夏布二百疋 紅綿紬一百疋 綠綿紬一百疋 白綿紬二百疋 白木綿一千疋 木綿二千疋 五爪龍席二張 各樣花席二十張 獺皮三百張 好大紙二千卷 好小紙三千卷 粘米四十石以上全行備進以上方物應請收受

禮部爲盛京戶部截留高麗紙事知照內務府文

禮部爲知照事准盛京禮部咨稱准盛京戶部咨開據金銀庫掌關防郎中嵩寶等呈稱朝鮮國今歲所貢紅綠綿紬布匹紙張到省本庫仍照每年所截留之數截留高麗紅綠綿紬二百匹高麗布三百匹頭號高麗紙三千張惟二號高麗紙一款此次較上年多截留二千張緣去歲截留紙張本庫俱已儘數給發現有不敷支放是以多截留二千張共截留二號高麗紙四萬四千二百張以備應用相應移咨盛京禮部俟朝鮮國貢物到日照數截留等因先行咨報禮部等因前來相應知照內務府可也須至片者右片行內務府光緒元年正

月二十五日

禮部請內務府知照收受朝鮮貢物日期處所文

禮部爲知照事道光十一年二月本部奏准嗣後各國貢物到京其交貢處所在禁城之內請援照午門頒賞之例預行知照護軍統領按期帶領章京護軍等前往彈壓以昭嚴肅等因當經抄錄原奏知照內務府在案今朝鮮國恭進例貢方物現已到京除付四譯館派員前赴交貢外相應移咨內務府於收貢之前將收貢日期並收貢處所先行知照過部以便行知護軍統領衙門屆期前往彈壓可也須至片者右片行內務府光緒元年正月二十五日

禮部爲朝鮮使臣到京安置四譯館咨內務府文

內務府檔

禮部爲知照事主客司案呈朝鮮國差來請封世子正使領中樞府事李裕元副使禮曹判書金始淵書狀官兼司憲府掌令朴周陽大通官三員押物官十八員得賞從人二十四名無賞從人一百五十一名馬一百二十九匹迎送官榮昌一員跟役五名馬六匹俱於本月初一日到京當卽安置會同四譯館居

住相應知照內務府可也須至咨者右咨內務府光緒元年十月初三日

禮部請內務府查明頒賞朝鮮使臣緞疋與庫存名目是否相符文

禮部爲片查事查嘉慶十四年奉上諭戶部內務府各庫存貯緞疋等名目往往舊時所有而近日所遇過有頒賞事宜各該處仍開舊時名目將所缺之項用他物抵補以致名寔不符殊非核寔之道嗣後頒賞緞疋就庫中現有之物擬用何項卽開何項名目不得沿襲舊名再行抵換致有歧異等因欽此欽遵在案今本年朝鮮陳奏請封正使領中樞府事李裕元副使禮曹判書金始淵書狀官司憲府兼掌令朴周陽等於本年十月初一日到京相應將例賞緞疋等項開單片行貴府迅卽查明與庫存各項緞疋名目是否相符有無抵用別項之處務於十日內聲覆過部以便按單具奏萬勿遲延可也須至片者右片行內務府光緒元年十月初三日計抄單一紙

頒賞朝鮮使臣物品單

朝鮮國陳奏請封使臣到京應頒例賞清單計開賞正副使二員大緞各一疋

帽緞各一疋彭緞各一疋紬各一疋紡絲各一疋 賞書狀官一員大緞一疋
彭緞一疋紬一疋 賞大通官三員大緞各一疋紬各一疋 賞押物官十八
員彭緞各一疋紬各一疋

江南徐州府教堂冊

軍機處檔

在候候補道江南徐州府謹將光緒三十四年春季分知府境內所屬設立教堂義塾住址處所彙造清冊呈送查核須至冊者

計開

銅山縣境內設立教堂三處各教民在鄉自設學塾六十五處

一城內東南隅設立法國天主教堂一所係法國教士艾賚沃於光緒二十二年五月十八日價買翟錫祿民房改建計東樓四間連大門過道堂樓三間五南屋三間草西屋三間瓦平棚二間該堂毘連續買周治紹房宅一所此房與教堂同門出入文約仍未送縣鈐印計草西屋二間草東屋四間該堂後面續買徐金魁民房一所計草堂屋五間草南屋一間草西屋二間添建後門墻一道以上各舊房通成一氣現均設作女學堂女教士四人傳教各屋均係華式並無匾額登明

該堂北首續買黃顯林民房一所此房坐北朝南於光緒二十四年十月間置

買文約於二十五年二月二十九日送縣鈐印該堂續買蕭鳳祥民房一所於光緒二十五年三月間置買文約業已送縣鈐印此房與黃顯林房屋毘連經艾教士改通一氣朝南大門一間上有宣仁施生四字匾額進內瓦西屋八間瓦堂屋六間瓦過道一間瓦堂樓六間瓦耳房二間瓦西屋二間瓦廚房三間新建瓦堂屋三間瓦屋四間該堂東首續買杜姓房宅一所文約並未送縣鈐印計瓦房十二間因雨倒塌三間尙存九間草房十二間內有破壞者均已拆去該堂東首續買蘇姓房宅一所於光緒二十八年九月間置買文約並未送縣鈐印計草房十五間因雨倒塌共拆去九間尙存六間該堂西北角添買劉萬年房宅一所計草房二十間因雨倒塌拆去十四間尙存六間該堂後門西首添買金姓房宅一所計瓦平房十二間以上房屋約係華式歸教士艾賚沃管轄教士雷伯雍在堂傳教登明

一城內西門街設立美國耶穌教堂一所於光緒二十二年十一月十七日價買蔡育卿民房改建計朝北瓦大門四間草門面三間瓦屋三間大樓一座

新建二進院瓦南屋一座約十一間瓦西屋五間草東屋三間三院瓦南屋五間瓦西屋三間東院草南屋三間西院瓦西屋四間南首又小屋一間東首大樓一座約樓上下十一間東南角灰平棚一間井一口二進西院灰平棚一間瓦南屋一大間三進西院瓦南屋一間大樓一座約樓上下大小十一間四進西院瓦東屋三間草南屋三間井一口大門西首另有學堂一所中過道瓦屋一間平排瓦屋五間二院中過道草屋一間平排草屋三間瓦南屋三間草東屋二間西院新添大樓一座計兩層後院打球場一所大門東首置買董在庭房宅一所大過道二間瓦東屋三間瓦西屋三間大過道西院瓦南屋二間瓦西屋三間二過道五間瓦南屋四間瓦東屋三間大廳院瓦西屋三間瓦南屋三間三過道三間後院上房五間瓦堂屋三間瓦南屋三間瓦門面九間大門西首置買苗光耀房宅一所草過道一間草南屋三間草堂屋四間草西屋二間廚房一間大門西首置買張延福房宅一所草過道連廚房三間草堂屋三間草東屋四間草南屋三間草西屋二間以

上三處新置房屋現均將次拆改歸教士葛馬可等管轄現在教士白秀生顧多馬馬法典在堂傳教以上房屋除樓房門窗係洋式外餘均華式堂內並無匾額聲明

一團內九段教民李九緒家設立學堂一所瓦堂屋三間教民龐正修在堂課讀屋係華式並無匾額聲明

一前八段教民謝化文家設立學堂一所瓦堂屋三間教民張姓在堂課讀屋係華式並無匾額聲明

一前六段教民鄧繼忠家設立學堂一所瓦西屋三間教民李姓在堂課讀屋係華式並無匾額聲明

一後六段教民傅可畏家設立學堂一所草堂屋三間教民姚姓在堂課讀屋係華式並無匾額聲明

一後六段教民陳士舉家設立學堂一所草堂屋三間教民趙姓在堂課讀屋係華式並無匾額聲明

一後五段教民畢效禮家設立學堂一所瓦堂屋三間教民葉姓在堂課讀屋係華式並無匾額登明

一後五段教民郭石頭家設立學堂一所借住充公草堂屋三間教名郭姓在堂課讀屋係華式並無匾額登明

一三段教民董其爲家設立學堂一所借住充公草堂屋三間教民李姓在堂課讀屋係華式並無匾額登明

一睢團教民睢朝元家設立學堂一所借住草屋一間半教民李姓在堂課讀屋係華式並無匾額登明

一范家樓圩北王家莊設立學堂一所係教民王玉麟草堂屋三間教民李文明在堂課讀屋係華式並無匾額登明

一梁家寨內設立學堂一所在守府署迤西係借教民朱玉草堂屋三間教民蔣姓在堂課讀屋係華式並無匾額登明

一梁家寨雙廟設立學堂一所借住草堂屋二間教民黃世明在堂課讀屋係

華式並無匾額登明

一梁家寨王家莊設立學堂一所係買草堂屋二間教民張守賢在堂課讀屋
係華式並無匾額登明

一梁家寨費家莊設立學堂一所係借瓦堂屋二間教民李師月在堂課讀屋
係華式並無匾額登明

一梁家寨退河集設立學堂一所係借草堂屋二間教民楊守福在堂課讀屋
係華式並無匾額登明

一梁家寨陳光莊設立學堂一所係借草堂屋二間教民湯金標在堂課讀屋
係華式並無匾額登明

一梁家寨常家莊設立學堂一所係借草西屋二間教民李廣悟在堂課讀屋
係華式並無匾額登明

一梁家寨四座樓設立學堂一所係借草堂屋二間教民李瑞峰在堂課讀屋
係華式並無匾額登明

一梁家寨王家莊設立學堂一所係借草屋二間教民王永介在堂課讀屋係華式並無匾額登明

一梁家寨韓家莊設立學堂一所係借草堂屋二間教民胡道一在堂課讀屋係華式並無匾額登明

一梁家寨陳家莊設立學堂一所係借草堂屋二間教民陳鳳彩在堂課讀屋係華式並無匾額登明

一梁家寨朱家窰設立學堂一所係借瓦西屋二間教民朱茂彩在堂課讀屋係華式並無匾額登明

一梁家寨梁家莊設立學堂一所自買草堂屋二間教民梁世臣在堂課讀屋係華式並無匾額登明

一于團五段北門內設立學堂一所瓦西屋七間草堂屋四間教民李姓在堂課讀屋係華式並無匾額登明

一王開口設立學堂一所瓦屋五間草屋二間教民田厚恩在堂課讀屋係華

式並無匾額聲明

一高家窩設立學堂一所草屋二間教民周啟朋在堂課讀屋係華式並無匾額聲明

一耿家集設立學堂一所草屋八間教民耿鳳桐在堂課讀屋係華式並無匾額聲明

一薛家湖設立學堂一所草屋四間教民李姓在堂課讀屋係華式並無匾額聲明

一賀家橋設立學堂一所瓦屋四間教民胡錦江在堂課讀屋係華式並無匾額聲明

一于團十段設立學堂一所自買草屋八間教民洪紹問在堂課讀屋係華式並無匾額聲明

一九段設立學堂一所自買草屋三間教民李懷標在堂課讀屋係華式並無匾額聲明

一前八段設立學堂一所自置草屋三間教民馬有道在堂課讀屋係華式並無匾額證明

一後八段設立學堂一所自買草屋三間教民馬建忠在堂課讀屋係華式並無匾額證明

一七段設立學堂一所自買草屋七間教民胡幼安在堂課讀屋係華式並無匾額證明

一三段設立學堂一所自買草屋七間教民周自明在堂課讀屋係華式並無匾額證明

一劉家窩設立學堂一所借住草屋一間教民章雲在堂課讀屋係華式並無匾額證明

一好拾橋設立學堂一所借住草屋一間教民趙全生在堂課讀屋係華式並無匾額證明

一侯家集設立學堂一所借住草屋一間教民王谷在堂課讀屋係華式並無

匾額登明

一毛莊設立學堂一所借住草屋二間教民朱永標在堂課讀屋係華式並無匾額登明

一四段設立學堂一所自買瓦屋三間草屋三間教民周子善在堂課讀屋係華式並無匾額登明

一前五段設立學堂一所自買瓦屋七間草屋二間教民邱光立在堂課讀屋係華式並無匾額登明

一前六段設立學堂一所自買草屋四間教民章芝在堂課讀屋係華式並無匾額登明

一高家樓設立學堂一所自買草屋二間教民王有道在堂課讀屋係華式並無匾額登明

一郝家莊設立學堂一所自買草屋三間教民袁桂枝在堂課讀屋係華式並無匾額登明

一北王莊設立學堂一所自買草屋三間教民張大球在堂課讀屋係華式並
無匾額登明

一新莊設立學堂一所自買草屋三間教民吳酉在堂課讀屋係華式並無匾
額登明

一五段設立學堂一所自買草屋七間教民李荃在堂課讀屋係華式並無匾
額登明

一鄭家集設立學堂一所借住草屋一間教民周谷同在堂課讀屋係華式並
無匾額登明

一神家窪設立學堂一所借住草屋一間教民林子風在堂課讀屋係華式並
無匾額登明

一李平樓設立學堂一所借住草屋一間教民張正之在堂課讀屋係華式並
無匾額登明

一虎山圩設立學堂一所借住草屋三間教民董七奇在堂課讀屋係華式並

無匾額證明

一油坊設立學堂一所借住草屋二間教民周啟朋在堂課讀屋係華式並無匾額證明

一三趙集設立學堂一所借住草屋二間教民趙立在堂課讀屋係華式並無匾額證明

一吳邵湖設立學堂一所係借李公明草堂屋五間教民龐廷順在堂課讀屋係華式並無匾額證明

一單家林設有洋學一所係借草西屋二間教民楊秉忠在堂課讀屋係華式並無匾額證明

一裂莊設有洋學一所係借草東屋二間教民李學義在堂課讀屋係華式並無匾額證明

一荆山橋設有洋學一所係借草屋二間教民郝和尙在堂課讀屋係華式並無匾額證明

一固鎮集設有洋學一所係借草屋三間教民佟本達在堂課讀屋係華式並無匾額證明

一金莊設有洋學一所係借草屋二間教民閻培在堂課讀屋係華式並無匾額證明

一大李莊設有洋學一所係借李兆齡草屋二間教民龐姓在堂課讀屋係華式並無匾額證明

一青山子設有洋學一所係借草堂屋三間教民曹全效在堂課讀屋係華式並無匾額證明

一子房山設有洋學一所係借草屋三間教民蔡猷三在堂課讀屋係華式並無匾額證明

一望城崗設有洋學一所係借袁永聖草堂屋三間教民周德朋在堂課讀屋係華式並無匾額證明

以上學堂均歸法國教士艾賚沃兼管證明

一上朱家設立洋學一所係借草堂屋一間教民朱建標在堂課讀屋係華式並無匾額登明

一上朱家設立洋學一所係借草東屋二間教民朱從章在堂課讀屋係華式並無匾額登明

以上學堂均歸美國教士葛馬可等兼管登明

蕭縣境內設立教堂一處義塾十一處

一西北鄉馬井莊設立法國天主堂一所係洋教士董師中於光緒十六年買地建造朝南大門進內南瓦屋二間西院瓦堂屋五間瓦西屋二間瓦東屋三間後院瓦洋樓十二間迤東瓦洋樓十五間內有瓦講堂更衣樓一間迤西瓦屋五間第三進瓦堂屋九間迤西瓦屋三間北院大門一間瓦堂屋五間迤西瓦屋五間又西北院瓦堂屋十二間迤西瓦屋七間炮樓二間後進同東首兩處洋樓均係洋式餘屋均係華式洋教士呂承望在堂傳教歸艾教士兼管大門懸有萬有真原四字匾額一塊第三進院內有水井一口登

明

一西南鄉劉村莊法國義塾一所係洋教士董師中於光緒十六年買地建造
朝南大門進內瓦堂屋三間東瓦屋二間西瓦屋一間屋係華式並無匾額
教民陳兆行在塾課讀歸呂教士兼管登明

一西北鄉新莊寨法國義塾一所係洋教士董師中於光緒十七年買地建造
朝南大門進內草堂屋三間屋係華式並無匾額教民秦洪堯在塾課讀歸
呂教士兼管登明

一西北鄉呂里莊法國義塾一所係洋教士董師中於光緒二十一年買地建
造朝南大門進內草堂屋三間草東屋三間屋係華式並無匾額教民陸允
洪在塾課讀歸呂教士兼管登明

一西北鄉花樓莊法國義塾一所係洋教士董師中於光緒十九年當地建造
朝北大門進內草南屋二間屋係華式並無匾額教民王開雲在塾課讀歸
呂教士兼管登明

一西北鄉錢樓莊法國義塾一所係洋教士董師中於光緒十九年借民人錢標房屋設立朝南大門進內東草屋二間屋係華式並無匾額教民龐廣甫在塾課讀歸呂教士兼管登明

一西南鄉孫莊法國義塾一所係洋教士董師中於光緒二十一年借民人張祥房屋設立朝北大門進內南草屋二間屋係華式並無匾額教民伍盡山在塾課讀歸呂教士兼管登明

一南鄉羅里莊法國義塾一所係洋教士董師中於光緒二十一年借民人劉昭太房屋設立朝東大門進內西草屋二間屋係華式並無匾額教民劉升堂在塾課讀歸呂教士兼管登明

一西南鄉薛村莊法國義塾一所係洋教士董師中於光緒十六年典地建造朝北大門進內南草屋三間東西草屋各二間均係華式並無匾額教民李春山在塾課讀歸呂教士兼管登明

一西北鄉陳莊法國義塾一所係洋教士董師中於光緒十八年價買民房興

造朝南大門進內東草屋三間屋係華式並無匾額教民趙廣恩在塾課讀
歸呂教士兼管證明

一西南鄉郝莊法國義塾一所係洋教士董師中於光緒十八年價買民房興
造朝北大門進內草南屋三間西草屋三間東草屋二間均係華式並無匾
額教民王志英在塾課讀歸呂教士兼管證明

一城內北門街立法國教堂一所係洋教士呂承望於光緒二十年價買民
房興造改設朝西大門進內堂瓦屋三間西瓦屋連過道三間均係華式並
無匾額教民于福端在堂傳教歸呂教士兼管證明

沛縣境內教堂一處女教堂一處洋義塾十七處

一西門外埽子頭莊法國教堂一所係法教士段之馨於光緒二十一年買民
人張在文王錦三基地建造朝北門樓三間進內瓦西屋十三間瓦堂屋七
間樓房四間東南各有磚牆一道院內水井一口屋係華式並無匾額歸法
教士段司鐸兼管證明

又西門外埕子頭莊法國女教堂一所係洋教士段之馨於光緒二十二年買民人張在文王錦三基地建造朝西大門進內瓦堂屋七間瓦西屋四間東南各有磚牆一道屋均華式並無匾額歸法教士段司鐸兼管登明

一西鄉陳家樓洋義塾一所係華教民王來峯於光緒二十年租民人蔡肅明草東屋兩間設立王來峯在塾課讀歸段司鐸兼管屋係華式並無匾額登

明

一西北鄉安家莊洋義塾一所係教民李清河於光緒二十三年借民人李東陽草西屋四間設立李清河在塾課讀屋係華式並無匾額歸段司鐸兼管登明

一北鄉徐家莊洋義塾一所係教民趙樹檀於光緒二十三年借民人徐知省草堂屋二間設立趙樹檀在塾課讀屋係華式並無匾額歸段司鐸兼管登

明

一北鄉趙家廟洋義塾一所係華教民張遇捷於光緒二十三年借民人齊丹

桂草東屋六間設立張遇捷在塾課讀屋係華式並無匾額歸段司鐸兼管

登明

一北鄉姚家橋洋義塾一所係教民王廣昭於光緒二十三年借民人宋淑茂
草南屋五間設立王廣昭在塾課讀屋係華式並無匾額歸段司鐸兼管登

明

一北鄉王團洋義塾一所係教民石鑑昭於光緒二十三年借民人姚孔布草
西屋兩間設立石鑑昭在塾課讀屋係華式並無匾額歸段司鐸兼管登明
一西北鄉高家莊洋義塾一所係教民宋雅於光緒二十三年借民人高世太
草堂屋三間設立宋雅在塾課讀屋係華式並無匾額歸段司鐸兼管登明
一東北鄉於家圩洋義塾一所係教民黃金杓於光緒二十三年借民人焦玉
榮草東屋兩間設立黃金杓在塾課讀屋係華式並無匾額歸段司鐸兼管

登明

一西鄉八里屯洋義塾一所係教民劉新善於光緒二十五年借民人李培蘭

草西屋三間設立劉新善在塾課讀屋係華式並無匾額歸段司鐸兼管登明

一北鄉大屯圩天主教堂一所係法教士段之馨於光緒二十五年買民人唐本德宅基將豐落村教堂房屋移建該處計瓦草房十八間又廠棚一間周圍有土牆一道樓係洋式並無匾額歸段司鐸兼管登明

一北鄉大王莊洋義塾一所係教民王登科於光緒二十五年借民人王鳳池草南屋三間設立王登科在塾課讀屋係華式並無匾額歸段司鐸兼管登明

一東北鄉趙家樓洋義塾一所係教民張玉山於光緒二十五年借民人趙德保草堂屋三間設立張玉山在塾課讀屋係華式並無匾額歸段司鐸兼管登明

一東北鄉夏鎮圩洋義塾一所係教民張秀文於光緒二十五年借民人郭廷俊南瓦屋八間設立張秀文在塾課讀屋係華式並無匾額歸段司鐸兼管

登明

一西鄉譚家圩洋義塾一所係教民龐家松於光緒二十七年借民人譚榮錦
草西屋四間設立龐家松在塾課讀屋係華式並無匾額歸段司鐸兼管登

明

一西北鄉張家園子洋義塾一所係教民李姓於光緒二十八年借民人瞿金
先瓦堂屋九間設立李姓在塾課讀屋係華式並無匾額歸段司鐸兼管登

明

一西鄉魏家樓洋義塾一所係教民王姓於光緒二十八年借民人譚明理草
堂屋三間設立王姓在塾課讀屋係華式並無匾額歸段司鐸兼管登明

一南鄉王家莊洋義塾一所係教民王姓於光緒二十八年借民人孫繼文草
堂屋二間設立王姓在塾課讀屋係華式並無匾額歸段司鐸兼管登明

一西南鄉唐家樓洋義塾一所係教民李姓於光緒二十八年借民人張明德
草堂屋三間設立李姓在塾課讀屋係華式並無匾額歸段司鐸兼管登明

豐縣境內教堂五處義塾十五處

一本城西門內設立法國小教堂一所係法教士莊卞誠於光緒二十八年買華民蔣姓宅基建造朝東大門進內草屋四間瓦堂屋三間屋係華式內用洋式裝修並無匾額莊教士在堂傳教證明

一東南鄉戴套樓法國教堂一所前係洋教士湯執中於光緒二十年買地建造朝北大門進內有瓦東屋九間瓦西屋九間院內四角各有更樓一座後進又有朝南講堂三間大門改爲洋式餘屋均係華式堂外周圍由官代築土墻一道洋教士錫爾髦在堂傳教證明

一戴套樓洋義塾一所係洋教士湯執中於光緒二十年買地建造朝南大門進內瓦堂屋一間又朝東朝南瓦屋各三間屋均華式並無匾額華人谷教士在內課讀證明

一西北鄉三官廟法國教堂一所係洋教士莊卞誠於光緒二十年買地建造朝東大門樓三間進內有朝南朝北瓦屋各十間草西屋八間院內四隅各

有更樓一座均係華式並無匾額歸莊教士管理證明

一西北鄉渠家集法國義塾一所係洋教士湯執中於光緒二十年價典教民安應時房屋設立朝南大門進內草屋二間後進草堂屋二間屋係華式並無匾額教民胡姓在內課讀證明

一渠家橋西首洋義塾一所係教士湯執中於光緒二十二年租賃民房設立朝東大門進內朝南朝西草屋各二間均係華式並無匾額教民在內課讀證明

一西北鄉吳樓洋義塾一所係洋教士湯執中於光緒二十年租賃民房設立朝東大門進內草堂屋三間屋係華式並無匾額教民褚姓在內課讀證明

一西北鄉宋家砦洋義塾一所係洋教士湯執中於光緒二十二年租賃民房設立朝東大門進內草堂屋二間屋係華式並無匾額無人課讀證明

一西北鄉李堂洋義塾一所係洋教士湯執中於光緒二十二年租賃民房設立朝東大門進內草西屋二間屋係華式並無匾額有教民在內課讀證明

一西北鄉朱家窪洋義塾一所係洋教士湯執中於光緒二十二年借用民房
設立朝南大門進內草西屋四間屋係華式並無匾額無人課讀登明

一西北鄉史家集洋義塾一所係洋教士湯執中於光緒二十二年租賃民房
設立朝東大門進內草堂屋三間屋係華式並無匾額無人課讀登明

一西北鄉張家莊洋義塾一所係洋教士湯執中於光緒二十二年租賃民房
設立朝東大門進內草堂屋二間屋係華式並無匾額無人課讀登明

一西北鄉邵家莊洋義塾一所係洋教士湯執中於光緒二十四年租賃民房
設立朝南大門進內草西屋二間屋係華式並無匾額無人課讀登明

一西北鄉褚家集洋義塾一所係洋教士湯執中於光緒二十四年租賃民房
設立朝南大門進內草東屋三間屋係華式並無匾額無人課讀登明

一西北鄉馬樓洋義塾一所係洋教士湯執中於光緒二十二年租賃民房設
立朝西大門進內草南屋五間屋係華式並無匾額無人課讀登明

一西北鄉陳家集洋義塾一所係洋教士湯執中於光緒二十二年租賃民房

設立朝東大門進內草堂屋三間屋係華式並無匾額無人課讀證明

一東北鄉劉家橋洋義塾一所係洋教士湯執中於光緒二十年借用民人劉文源房屋設立朝南大門進內東草屋二間屋係華式並無匾額教民蕭英臣在內課讀證明

一劉家橋洋義塾一所係洋教士湯執中於光緒二十八年租賃民房設立朝南大門進內草屋二間草堂屋三間屋係華式並無匾額教民在內課讀證明

一西北鄉楊家口美國耶穌堂一所係教士梁月漢於光緒二十九年冬間設立朝南大門草屋三間進內朝南朝東草屋各三間教民張明倫往來傳教屋係華式並無匾額證明

一西北鄉袁家砦耶穌堂一所草堂屋六間草西屋二間屋係華式並無匾額無人課讀證明

碭山縣境內教堂四處洋學塾五處

一北鄉候家莊設立法國教堂一所係洋教士祿士遵於光緒十五年價買民人孟傳厚宅基建造男堂並價買民人李鳳華住房建造女堂向分東西兩院西院由朝南大門進內有平樓三間瓦堂屋七間廠屋三間瓦東屋三間炮樓五座朝南門面一間東院朝南草屋五間瓦西屋三間草東屋三間朝南門面一間均係華式並無匾額教士蓬士賓在堂傳教登明

一北鄉湯家集設立法國教堂一所係教民黃本立於光緒十五年價買民人湯冠甲宅基建造南瓦屋三間西瓦屋四間門樓一間大門朝東均係華式並無匾額教民黃本立在堂傳教登明

一北鄉元帝廟設立法國教堂一所係教民劉玉堂於光緒十八年價買民人龐秀文房屋改建草堂屋五間草西屋五間草門面二間大門向東屋係華式並無匾額教民劉玉堂在堂傳教歸教士蓬士賓兼管登明

一西北鄉劉堤頭設立法國教堂一所係教民張自敏於光緒二十七年價買民人張廣智宅基建造朝南大門進內瓦堂屋五間屋係華式並無匾額教

民張自敏在堂傳教歸教士蓬士賓兼管登明

一北鄉吳樓洋學堂一所係教民張俊峯於光緒二十三年價買民人高姓宅
基建造朝南平房三間草東屋二間大門向南均係華式並無匾額教民張
俊峯在堂傳教歸教士蓬士賓兼管登明

一西鄉官莊壩洋學堂一所係教民黃世永於光緒二十三年租賃段虎臣房
屋設立草堂屋二間大門向南屋係華式並無匾額教民黃世永在堂傳教
歸教士蓬士賓兼管登明

一西鄉蔣家樓洋學堂一所係教民牛星耀於光緒二十三年租賃民人蔣永
平房屋設立草堂屋二間大門向南均係華式並無匾額教民牛星耀在堂
傳教歸教士蓬士賓兼管登明

一西鄉黃家樓設立洋學堂一所係教民張書印於光緒二十三年在自己宅
址建造草堂屋一間屋係華式並無匾額教民張書印在堂傳教歸教士蓬
士賓兼管登明

一城內設立洋學堂一所係教民楊景和於光緒二十八年價買民人李含珍宅基建造朝西大門進內瓦堂屋四間朝東朝西朝南草屋十九間均係華式並無匾額教民楊景和在堂傳教歸教士蓬士賓兼管登明

邳州境內教堂四處洋義塾十處

一東鄉官湖圩設立美國耶穌堂一所於光緒二十二年經洋教士白秀生教民朱延吉租賃姜姓草堂屋三間屋係華式並無匾額有教民在塾課讀登明

一東鄉陳家樓莊設立美國學堂一所於光緒二十二年洋教士白秀生租賃本莊人王可魁房屋設立朝南大門進內草堂屋三間屋係華式並無匾額教民王可魁在內課讀登明

一城內設立法國天主堂一所光緒二十五年教士湯執中價買民房改建朝南大門進內瓦堂屋六間草屋三十間續添瓦堂屋二十六間草屋十五間屋係華式又新造洋式瓦屋二十四間門首磚砌匾額刻天主堂三字教士

湯執中在堂傳教證明

一東鄉官湖集立法國洋學塾一所係光緒二十八年十月間教民李學禮將自己草房改建朝南大門進內草堂屋二間草東屋一間屋係華式並無匾額教民李學禮在塾課讀證明

一西鄉洳口集立法國義塾一所光緒二十八年十月間教民黃廉成將自己宅改設朝東門面瓦屋三間進內草堂屋四間東瓦屋二間教民黃廉成在塾課讀屋係華式並無匾額證明

一東鄉嵇灣集立法國天主堂一所係光緒二十八年十月間經郎教士價買民房改建朝南大門進內瓦堂屋四十間刻聖若琴堂四字匾額東瓦屋二十九間西瓦屋十八間中堂屋二十一間刻履中蹈和四字匾額又東西瓦屋各二十間走廊五間門首有磚砌天主堂三字屋係華式郎教士在堂傳教證明

一東鄉嵇灣集立法國天主堂一所於光緒二十八年九月間經郎教士價

買民房改建朝南大門進內瓦堂屋三間東瓦屋九間西瓦屋十間腰堂瓦屋二間草屋十八間門面瓦屋六間均係華式並無匾額證明

一南鄉八岔路設立法國洋學堂一所係光緒二十八年九月間教民宋倫堂將自己宅改設朝南大門進內草堂屋二間教民宋倫堂在內傳教屋係華式並無匾額證明

一東南鄉張家圈設立法國洋學堂一所係光緒二十八年九月間教民杜鴻賓將自宅改建朝南大門進內草堂屋二間草西屋一間現在杜鴻賓在塾課讀屋係華式並無匾額證明

一東南鄉尹家圈設立法國洋學堂一所係光緒二十八年十一月間教民黃可傳將自己宅改設朝南大門進內草堂屋三間草西屋二間現在黃可傳在堂課讀屋係華式並無匾額證明

一東南鄉吳闌子設立法國洋學堂一所係光緒二十八年十月間教民徐思賢將自宅改設朝西大門進內草堂屋三間東屋三間徐思賢在塾課讀屋

係華式並無匾額證明

一東北鄉天齊廟設立法國洋學堂一所係光緒二十八年十一月間教民王慕堯將自宅改設朝南大門進內草堂屋五間草西屋四間現在王慕堯在塾課讀屋係華式並無匾額證明

一西鄉蔣家灣設立法國洋學堂一所係光緒二十八年十一月間教民靳長清將已宅改設朝南大門進內草堂屋二間草西屋一間現在靳長清在塾課讀屋係華式並無匾額證明

一北鄉良壁集圩南門外設立法國洋學堂一所係光緒三十一年五月間教民曹忠政將已宅改設朝南大門進內草堂屋二間草東屋三間門面一間外有東屋二間現在曹忠政在堂課讀屋係華式並無匾額證明

宿遷縣境內教堂六處義塾五處

一本城西門內美國耶穌堂一所係洋教士卜德生於光緒二十三年三月間價買民人韓曉岩房屋設立朝南大門瓦屋三間進內向南瓦屋四間後進

向南瓦屋六間向東瓦屋三間向北厨屋二間有教民張姓在塾課讀屋均華式門首正中磚刻耶穌堂三字橫額該堂後面添買民房拆卸建造洋樓三間卜教士與任教士在堂傳教登明

又該堂對門美國耶穌女教堂一所於光緒二十五年十月間租賃張姓房屋設立朝東大門進內瓦堂屋五間西草屋二間均係華式並無匾額教士周姓馬姓在堂傳教歸卜教士兼管登明

一西北鄉馬路口法國教堂一所係洋教士董師中於光緒二十四年五月間價買民房設立朝西大門瓦屋五間進內向南瓦講堂十二間瓦堂屋三間北院瓦堂屋七間瓦西屋二間瓦門樓一間東北院瓦堂屋六間瓦東屋三間瓦西厨屋二間南院瓦堂屋五間由前院講堂進內瓦東屋四間院內有大槐樹一棵井一口屋均華式並無匾額教民凌霞閣在堂傳教歸郎司鐸兼管登明

又該堂對門法國女教堂一所係洋教士董師中於光緒二十四年五月間價

買民房設立朝東大門瓦屋六間進內瓦堂屋十三間瓦西屋八間瓦南屋五間接連瓦厨屋三間均係華式並無匾額無人在堂傳教歸郎教士兼管登明

一西南鄉河清街法國義塾一所係洋教士董師中於光緒二十三年八月間價買王文書民房改造朝西瓦門樓一間進內瓦堂屋二間草堂屋三間後院磚圍墻一道院內有椿樹一棵水井一口屋均華式並無匾額歸教士郎本仁兼管登明

一北鄉嶂山集法國義塾一所係洋教士董師中於光緒十三年價買民地建造西瓦門面屋七間進內瓦堂屋四間係講堂瓦穿堂三間進內瓦堂屋四間南草厨房二間向南草穿堂七間進內瓦堂屋三間係義塾堂樓二間均係華式並無匾額歸郎教士管理登明

又該堂對門法國女教堂一所係洋教士董師中價買民房設立朝南草屋五間進內草堂屋四間東首瓦堂樓一間後進草厨房二間均係華式並無匾

額教民陸王氏陸朱氏在堂傳教歸郎本仁兼管證明

一埕頭鎮法國義塾一所係洋教士雷司鐸價買民房設立朝東瓦門面屋九間進內瓦堂屋二間係義塾西瓦屋四間西瓦講堂五間後進西草屋六間均係華式並無匾額教民吳道勛在堂管理證明

又該堂隔壁法國女教堂一所係洋教士雷司鐸價買民房設立西瓦門面屋六間進內瓦堂屋八間西瓦穿堂五間後進西瓦屋六間均係華式並無匾額教民吳道勛兼管證明

一西鄉陸家莊法國義塾一所係教民陸永椿買地建造朝西草門樓一間進內草堂屋四間草東屋五間西草廚房二間北首瓦屋三間草堂屋四間均係華式並無匾額陸永椿在堂課讀歸郎本仁管理證明

一北鄉扒溝法國義塾一所係教民葉汝藩已產改建朝南瓦大門一間進內瓦東屋五間向南草廚房二間均係華式並無匾額葉汝藩在堂課讀歸郎本仁兼管證明

睢寧縣境內教堂一處義塾二處

一城內縣署西首設立法國教堂一所係洋教士陶斯詠於光緒十六年華教民倪守鶴於光緒二十四年先後置買民房經洋教士明道源陸續改建分東西男女兩堂西堂建有洋式講堂六間上有橫石一塊鐫天主堂三字旁有楹聯西首瓦屋三間東西側廂有客屋四間學屋六間飯廳三間帳房三間門房六間廚房三間馬房三間傭人住房三間工作房八間堆物房三間後面有坐樓住屋八間堆柴草屋三間前面有東西牆一道修造門樓一間開設大門均係洋式東堂有朝南門樓三間中一間上有橫石一塊鐫化行閨閣四字進內有過道瓦屋十一間前院瓦堂屋七間中院講堂七間後院瓦堂屋七間各屋均係華式教士畢鴻勳在堂傳教教民高步雲在塾課讀醫師李偉山同住在堂歸總教士湯執中兼管院內有水井一口登明

一西北鄉袁家莊法國義塾一所係洋教士陶斯詠於光緒十年置賃宅地建造朝南大門進內草堂屋三間東草屋二間屋均華式並無匾額教民袁呈

光在塾課讀歸畢教士兼管登明

一東南鄉鮑家樓法國義塾一所係洋教士陶斯詠於光緒十八年置買民房
設立朝南大門進內草堂屋三間草西屋三間草東屋三間屋係華式並無
匾額教民鮑松堂在塾課讀歸畢教士兼管登明

光緒三十四年六月二十二日知府田庚

國立北平故宮博物院文獻館二十四年二月分工作報告

整理編目

一 內務府檔案

1 內務府堂檔冊 本月整理工作，分爲三部，一部將已上架之事簡編年；一部將已依形式分類之檔冊逐件登記，並繕寫目錄片；一部將殘缺之滿文檔案逐件檢查，註明類別名稱時代，已整理就緒者：事簡凡二二〇〇餘件，檔冊一一七八件，滿文檔九五件。

2 昇平署戲劇檔案 本月繼續整理，裝訂成本之題綱，計分燈戲，崑弋單折戲，本戲，亂彈戲四種，連同上月分類完竣之總本題綱等六種，共計十種，又整理單頁題綱四種，俱編號貼票，繕寫卡片，其名稱件數如下。

總本題綱

三一本

節令承應題綱

一四〇本

宴戲

五八本

開場戲

二一七本

承應大戲

一七九本

壽戲

五八本

燈戲

二二本

崑弋單折戲

三八七本

崑弋本戲

五一九本

亂彈戲

一八六本

以上裝訂本共十種四二三齣計一七九七本

崑弋戲

一〇頁

亂彈單齣戲

七七頁

亂彈本戲

五二頁

秦腔戲

六頁

以上單頁共四種七八齣計一四五頁

3 造辦處地圖

本月工作，係將輿地類，武功類，效貢類各圖，詳查內容

與登記之名稱，是否適當，以便編製細目，計查完直隸圖等四六頁，廓

爾喀戰圖等三八份，計五三二頁，西洋水法五份，計一〇〇頁，餘正在

工作中。

二 軍機處檔案

1 照會 本月繼續將美國照會摘出編目，計編完光緒六年九月至九年九月者一四四件，並繕就目錄片二二〇片。

2 電報 本月工作，仍爲粘貼號票，覆核已摘各電事由，（卽將草目加修正）繕寫目錄三項，號票由七四一起貼至一〇四六號，（光緒朝電報貼竣）覆核事由光緒二十七年正月者竣事，目錄由電字一〇五號繕至二〇〇號。

3 奏摺 本月繼續將嘉慶朝奏摺，摘出登記，計登記二年十月至十九年七月摺四七二件。

4 地圖 軍機處檔案舊藏地圖，本月開始着手整理，按照造辦處地圖辦法，先行逐件登記，計已登記者一四〇件。

三 內閣大庫檔案

1 黃冊 本月內繼續就冊中內容，與已經登記之卡片，詳細校勘訂正，自盛京戶部校起，銀庫，旗地，旗倉三類，均已校完，共一九八冊，並將各

部黃冊改編總號，繕寫目錄，預備付印，號數自一號起編至一一五九號止，目錄自吏部事例類起繕至戶部民穀類止。

又南三所辦公處所存懋勤殿原貯黃冊，業經登錄卡片，共計八四一冊，於本月二十一日由新左門移存大庫，以便校勘，現正補寫簽條，並着手另繕懋勤殿原存黃冊目錄一份，用備查考，已將吏戶兩部繕寫完畢。

北大黃冊

北京大學研究院，存有清代黃冊一部份，亦爲大庫舊物，現擬與本館所藏彙編一聯合目錄，以便學者檢查，比已與北大方面已商妥，派職員單士魁等三人，自本月十八日起逐日赴北大就地工作，惟北大所存黃冊，殘缺者居多，檢閱內容，考訂名稱，頗費時間，截至本月底止，計順治朝黃冊擬訂名稱者二二四冊，繕寫目錄片五八五片。

2 試錄題名錄 內閣殘存清代鄉會試殿試等試錄，題名錄，前經初步

清理登記，茲特分類整理，繕寫目錄片，以便編製目錄，本月內已繕成
五二〇片。

編輯出版

一 文獻館現存清代黃冊目錄 本項目錄已編繕一部份，足敷第一輯之用，現由館員單士魁王梅莊方鳳翔三人分別起草各類說明，不日付印。

二 阿濟格略明事件之滿文本牌，現正在校印中。

三 校勘清太宗實錄 本月鈔錄乾隆本清太宗實錄卷六五及卷二，卷三，卷六，卷七，共五卷。前所鈔者係康熙本又校太宗實錄卷四九至卷五二，共四卷。

四 文獻叢編第二十三輯出版，第二十四輯校印中。

閱覽及借鈔

一 閱覽 燕京大學楊任之先生於本月十九廿一兩日到內閣大庫，

借閱清光緒朝戶部銀庫黃冊三冊。

二 借鈔 本月內中央研究院社會科學研究所借鈔清雍正至光緒各朝福建鹽課黃冊計七四冊。

招待參觀

本月二十一日招待胡適之，徐旭生，傅孟真，王之相，劉澤榮諸先生參觀各項工作成績。

中華民國二十四年三月出版

文獻叢編第二十四輯

編輯所 國立北平故宮博物院文獻館

發行所 國立北平故宮博物院出版物發行所
電話 東局四四三六

印刷所 故宮印刷所
電話 東局一六九八



費	郵	價目表	
		五	每月一冊
每期一分	本市	角	半年六冊
每期一角	外埠	二元七角	全年十二冊
每期二角五分	外國	五元二角	

本市 上海 天津各大書店均有代售

文獻館出版刊物一覽

掌故叢編
文獻叢編
清三藩史料
史料旬刊
清代文字獄檔
清代外交史料 嘉慶朝
清代外交史料 道光朝
清光緒朝中法交涉史料
清光緒朝中日交涉史料
清宣統朝中日交涉史料
影印道咸同三朝籌辦夷務始末
影印太平天國文書
朝鮮國王來書
清太祖武皇帝實錄
清太祖努爾哈赤實錄
多爾袞攝政日記

朝鮮迎接都監都廳儀軌
康熙與羅馬使節關係文書
讀書堂西征隨筆
名教罪人
重整內閣大庫殘本書影
雍正不錄奏摺目錄
軍機處檔案目錄
清代實錄總目
清季各國照會目錄
銅版地圖
交泰殿寶譜
廣西沿邊各營駐防中越交界對汛法屯距界遠近圖
印璽明信片
台灣風俗圖明信片
故宮博物院文獻館一覽
文獻館南遷文物清冊
文獻館二十二年度工作報告及將來計畫

中華民國廿四年六月拾八日收到

本院出版物代售處

大同書店 北平西小石作二號

修禪堂 北平隆福寺

來薰閣 北平琉璃廠

豹文齋 北平琉璃廠

清秘閣 北平琉璃廠

利利文藝公司 上海南京路總裕里

大新公司 廣州市西堤

大成新記書局 廣州市永漢北路龍寶里

商務印書館南陽分館 開封財政廳舊四十七號

新新書店 山東考棚街

覺民書社 山西太原樓兒底四號

淳輝閣 漢口寶華街

協記現代文化社 四川成都祠堂街

仰風書局 四川內江南門二十二號

北新書局 四川重慶善珠市街

益文書店 四川資中大東街

永昌公司 桂林學院街